

De
vitarum Plutarchi lectione
adolescentulis commendanda.

Scriptis

Ferdinandus Vogel.

Pars prior.

Qua laetitia accepto caedis a. d. XIV Cal. Oct. a. p. C. XCVI perpetratae nuntio orbis terrarum Romanorum exultaverit, quicumque Agricolae Tacitii legit prooemium, facile judicabit. Adeo „tertium gentis Flaviae heredem“ omnes abhorrebant, ut ipso quo occisus est die Apollonius Tyannensis Ephesi alta voce exclamasse crederetur *καλῶς Στέφανε, εὖγε Στέφανε, παῖε τὸν μαιφρόνον!* Neque solum Romanorum scriptores sublato Domitiano quasi respirasse videntur ac revixisse: Taciti Plinii Juvenalis Martialisque voces exaequat gaudium, quod de felicioris initio temporis et Q̄o Chrysostomus, tunc ipsum exulans, professus est, et Plutarchum Chaeronensem, etsi quo erat pudore non aperte prae se tulit, at certe sensisse ex omnibus ejus libris perspicimus.

Simulatque igitur Nerva atque Trajanus quasi lucem humano generi coeperunt affundere, et Plinius et Tacitus et Plutarchus prorsus novam scribendi rationem ingressi sunt. Quorum graecus scriptor, tunc XLVI fere annos natus, qui antea Ammonii exemplum secutus paene totum philosophiae studiis se videtur dedisse, fortasse a Sosio Senecione Romam invitatus, praeter eam operam, quam in scholis navare philosophiae studebat, ad historias quoque conscribendas animum applicare coepit, ita tamen ut tam philosophiae quam historiae leges ea in re spectaret. (Novas enim historiae scribendae rationes plurimi Graeci illo tempore quaerebant, quibus lectorum satietati occurrerent: ut Appianus, qui Romanorum bella secundum regiones partitus est, in quibus gesta sunt.) Plutarchus igitur, longe remotus ab annalium confectione, quae jejunius ei videbatur, illustrium virorum et Graecorum et Romanorum vitas ita delineavit, ut singulis opusculis Graecum et Romanum componeret. Qua in re minus id secutus est, ut quam simillimae vitae homines eligeret et singula congruentis fortunae capita auxilii conquiret¹⁾, sed modica quadam totius duorum virorum vitae contentus similitudine hoc sibi proposuit, ut et antiquam Graecorum gloriam illustraret, (nemo enim majori quam Plutarchus dolore videtur perspexisse, a quo splendore ad quam vitae atque animorum exilitatem Graeci delapsi essent, „populi Romani, condicione socii, fortuna servi“ [Cic. 2. Verr. I, 81])²⁾ et populares ad imitanda veterum exempla excitaret, inprimis domesticae ac privatae vitae virtutum,³⁾ et Romanos, apud quos multum valebat, non solum a contemptu Graecolorum demoveret, verum etiam ipsos ad majorum virtutes renovandas cohortaretur. Denique

prodesse humano generi praeceptis atque exemplis ad conformandam vitam aptis maluit Plutarchus, quam speciosa aliqua historia elimanda ingenium suum nobilitare: a quo conatu etiam ingenua quaedam modestia eum deterruit atque admiratio veterum scriptorum, quos neminem posteriorum assequi posse saepe affirmat, quorumque libris aliquot tantum res ab iis omissas sese adjecturum profiteretur¹⁾. Tali quidem ex consilio scriptoris facile dispicitur, et cur hos potissimum antiquae historiae viros elegerit et cur mores animosque eorum accuratius depinxerit quam quae in republica praeclare aut turpiter fecerunt.

¹⁾ Phoc. 3 ut rarum aliquid in opere suo maximam fuisse eam dicit similitudinem, quae inter Phocionis et Catonis minoris vitas intercesserit. Omnino ea operis Plutarchii pars, quae emarrationi annexa de similitudine virorum agit, semper exillissima est ac pessima, nulla vero illarum comparationum magis ridicula quam Solonis et Poplicolae Desunt etiam in aliquot virorum paribus: in Themistocle et Camillo, in Pyrrho et Mario, (quos quidem componere non minoris est audaciae quam Periclem et Fabium!) in Alexandro et Caesare, denique in Phocione et Catone; verum horum comparatio aliqua prooemio Phocionis continetur.

²⁾ De Pyth. orac. III, 133 (ed. T.): — — ἐπὶ πράγμασι μικροῖς καὶ δημοτικοῖς ἐρωτήσεις (nunc ad Pythiam afferuntur a Graeculis, non ut olim, de republica gerenda,) — — εἰ γαμητέον, εἰ πλεοντέον, εἰ δανειστέον. Totus libellus qui inscribitur reip. ger. praecepta vitae Graecorum illius temporis tenuitatem depingit, (imprimis V, 88 et 112: τὴν τῶν Ἑλληνικῶν πραγμάτων ἀσθένειαν, ἧς ἐναπλάτῃσαι ἀμεινόν ἐστι τοῖς εὖ φρονοῦσι καὶ μεθ' ἡσυχίας καὶ ἁρμογίας καταβιῶναι.) cum ingenuo tamen dolore animi, non ita jocose ut Lucianus fecit in libro de mercede conductis. Eadem est ratio libri de defectu oraculorum, in quo III, 145 τὴν τῆς Ἑλλάδος ὀλιγοδριαν deplorat. Quis non in legendis ejus libris omnibus praeclari illius epigrammatis meminerit, quod Antonius Argivus fecit (Anth. IX, 102.):

Ἢ πρὶν ἐγὼ Περσῆος ἀκρόπολις αἰθερίοιο,

Ἢ μικρὸν Ἰλιάδας ἀστὲρα θρηναμένη,

Ἀπολλοισιν ἐναυλον ἐρηματοισιν ἀνείμαι,

Τίσασα Πριάμον δαίμοσιν ὀψὲ δίκας. (Cf. IX, 151, vel pulchrius illo.)

Similiter jam et Sulpicius ad Ciceronem et Ovidius:

Vile solum Sparte est: altae cecidere Mycenae.

Oedipodioniae quid sunt nisi fabula Thebae?

Quid Pandioniae restant nisi nomen Athenae?

³⁾ Reip. ger. praec. V, 88: ταῦτα (privatae vitae virtutes) ἔξεστι καὶ νῦν ζηλοῦντας ἐξομοιοῦσθαι τοῖς προγόνοις, τὸν δὲ Μαραθῶνα καὶ τὸν Εὐρυμέδοντα καὶ τὰς Πλαταιὰς καὶ ὅσα — — οἰδεῖν ποιεῖ καὶ φρονάττεσθαι διακενῆς τοῖς πολλοῖς, ἀπολιπόντας ἐν ταῖς σχολαῖς τῶν σοφιστῶν. Sic in Aratae vitae, quam Polycrati ab Arato genus ducenti misit, prooemio dicit, se maxime spectasse ad instituendos et excitandos ejus filios Polycratem et Pythoclem. Eandem ob causam eos viros propemodum solos elegit, qui maximam partem laude ei digni viderentur, (cf. Paul. 1. Per. 1 Χρῆ δὶώκειν τὸ βέλτιστον.) Demet. 1 profiteretur, consulto se perpaucos immiscuisse, quorum vitii virtutes obscurarentur; verum conducere ad formandos legentium animos, semel etiam δύο ἐπιφανεῖς εἰς κακίαν contemplari,

quo magis integra virtus amaretur. — Adeo quidem popularibus suis quasi paterna cura consuluit Plutarchus, ut, ne malo Romanorum exemplo sui traherentur, propriis libris eos et a carnis balnearumque nimio usu (de tuenda san. I, 284—319; verum Oratt. II de esu carniū V, 507—521 dubiae sunt originis Plutarchoque propter multas ampullas indignae —) et a gladiatorum immanibus studiis avertere conaretur, adolescentes ad venationem potius exercendam cohortando. De venat. VI, 392: οὐχ ἥμισυ τὴν θηρευτικὴν ἄξιον ἐπαινεῖν, ὅτι τοῦ — — χαίρειν μάχαις ἀνδρῶν πρὸς ἀλλήλους — — τὸ πολὺ δεῦρο τρέψασα καθ' αὐτὴν παρέχει θάνατον. Atque ita liberrime scripserunt et Plutarchus et Dio Chrysostomus, quanquam ipse Trajanus gladiatoribus gaudebat. (Dio Cass. LXVIII, 10.)

*) In prooemio Niciae c. 1 totam consilii sui rationem exposuit: sese non, ut Timaeus fecerit, ridiculum quoddam inire certamen cum summis scribendi artificibus, (quorum Thucydidem vocat αὐτὸν αὐτοῦ περὶ ταῦτα [lib. VI. VII] παθητικώτατον, ἐναργέστατον, ποιητικώτατον γενόμενον,) ἐμοὶ δ' ὅπως ἢ περὶ λέξιν ἄμιλλα καὶ ζηλοτυπία πρὸς ἑτέροισι μικροπρεπέσιν φαίνεται καὶ σοφιστικὸν, ἂν δὲ πρὸς τὰ ἀμιμητὰ γίνηται, καὶ τελέως ἀνασθῆτον. Deinde: Ἄς γοῦν Θουκυδίδης ἐξήνεγκε πράξεις καὶ Φίλιστος — — μάλιστα γὰρ τὸν τρόπον καὶ τὴν διάθεσιν τοῦ ἀνδρός ἐπὶ πολλῶν καὶ μεγάλων παθῶν καλυπτομένην παρεχούσας — brevius se narrasse: τὰ δὲ διαφεύγοντα τοῖς πολλοῖς, ὑφ' ἑτέρων δ' εἰρημένα σποράδην, ἢ πρὸς ἀναθήμασιν ἢ ψηφίσμασιν εὐρημένα πάλαισι, πεπεράσμεν συναγαγεῖν: οὐ τὴν ἀχρηστον ἀθροῦσιν ιστορίαν, ἀλλὰ τὴν πρὸς κατανόησιν ἢ θοῦς καὶ τρόπον παραδιδούσας. Similiter de suo artis genere disserit Galb. 2. Artax. 8. Alex. 1. — — οὔτε γὰρ ιστορίας γράφομεν ἀλλὰ βίους. Cat. Min. 24. 37. Speciem quandam summae quam in suo genere assequi liceret praestantiae proposuit de glor. Ath. II, 431: ὁ τὴν διήγησιν ὅσπερ γραφὴν πάθει καὶ προσώποις εἰδωλοποιήσας. — Duas igitur res pollicetur, utilissimas illas quidem etiam nostris adolescentulis, non solum iis, quos ipse scriptor spectavit: et idoneam ad propriam regendam vitam morum descriptionem et suppeditationem rerum ad mores dispiciendos necessariorum et omissarum a Thucyde Xenophonte Philisto aliis. Neque caret scriptor ingenua aliqua suae ipsius artis aestimatione, quippe qui Per. 1 censeat χρῆ διώκειν τὸ βέλτιστον (μόνον) et c. 2 iudicet, contemplationem virtutis summorum hominum, qualem ipse legentibus praebeat, (quam Paul. 1 συνδιατήσιν appellat,) praestare cognitioni omnium artificum operum, quia sua tantum ars μιμητικὸς homines efficiat. Sic Demet. 28. Ant. 29 altiore quanda attribuit suo historiae generi dignitatem. — Verbis quidem illis ἢ περὶ λέξιν ἄμιλλα σοφιστικὸν praesensisse videtur exile illud et minime frugiferum trlum saeculorum insequentium, quae τὰ σοφιστικὰ dicuntur, studium in imitandis atticae dictionis minutis collocatum: quam tamen admonitionem Graeculi plurimi, qui post eum scripserunt, minime curaverunt. Permultis aliis locis Plutarchus sophistas et sui temporis, quorum regnum iam imminebat, et veteres irrisit: de se ips. c. inv. laud. III, 442 eorum vanitatem, de glor. Ath. II, 439. 440 de vit. pud. III, 421 Isocratis σοφιστικὴν μικροφροσύνην et hiatus timorem, de recta rat. aud. I, 97 eos perstringit, qui tantum λέξεις Ἀττικὰς, non cogitata conquirant, I, 101 jam thronum illum sophistarum commemorat; I, 103 exilia eorum argumenta pervellit, ut ἐμέτων ἐγκώμια cet.: qua in re adolescentuli Dionis opuscula videtur spectasse.

Aperiunt igitur vitae Plutarchiae et egregium ejus animum, non solum philosophiae studio excultum, sed natura optimum hominumque amantissimum, et maturum quendam fructum immensorum profecto prioris vitae studiorum. Quo cum accedat, quod scriptor in ipsa ingenii vitaeque maturitate, post XLVI. ante LXIV. aetatis annum totum opus confecisse videtur¹⁾, mirari non possumus, quod tanta exstitit horum librorum in suo genere praestantia.

¹⁾ Popl. 15 Num. 19 turpissimam inurit Domitiano notam: scripsisse igitur eum post a XCVI verisimile est. Ante a. CXIV, quo Trajanus Imp. expeditionem Parthicam suscepit, confectum esse totum opus ex his videtur locis concludi posse: Sull. 21. a pugna Orchomenia, (a. LXXXV secundum Mommsenum commissa,) ad sua tempora *σχεδόν* duo saecula computat, i. e. ante a. CXVI scripsit Ant. 34 est: „Ventidius adhuc solus de Parthis triumphavit“, ubi nulla Trajani fit mentio. Luc. 36 Euphrates terminus Imperii R. dicitur, quem Trajanus usque ad Tigridem promovit. (Cf. etiam Dem. 2.) Quodsi consideramus, et Trajanum jam a. CIII de Parthica expeditione cogitasse videri: [Plin. Ep. X, 16 necessitatem quandam, quae inter Decebalum et Pacorum intercedebat, ut periculosam Romanis statim indicat Imperatori; et Parthos tandem aliquando frangendos esse spes ab Judaeis a. LXVI ad LXX in iis repositae docuerant:] et Plutarchum de nullo externo populo accuratius et acerbius loqui, quam de Parthis, (cf. Sull. Lucull. Crass. Anton.), fortasse scriptor cum incitare Trajanum ad ulciscendas Crassi Antonique clades voluit tum populo Romano demonstrare, diutius differri Parthicum bellum non posse. Videtur autem imprimis Graecas civitates (ut Seleuciam) Parthis subjectas liberare voluisse, nam barbarorum jugum Graecis intolerabile esse aperte dicit Luc. 21: *ἦν γὰρ οὐκ ἀνασχετὴ τῶν Ἀρμενίων ἢ ἀρχὴ τοῖς Ἕλλησιν.*

Quo magis, quisquis et adolescentulorum animos et Plutarchi vitas accuratius novit, mirabitur quod in multarum scholarum lectione nunc omnino fere jacent: tanquam ipsius modestia nimia, qua sua sponte longissimo intervallo cedit Thucydidi atque adeo Xenophonti, ei nocuerit, cum prodesse debuerit in tot scriptoris virtutibus. Jam J. A. Fabricius (cf. praef. hortuli graeci Jo. Dav. Schreiberi, Lips. 1710 editi,) ita queritur: tantum optarem, ut plura ex praeclaris ejus monumentis separatim exstarent excusa in juvenutis usus, neque voluminum magnitudine fieret, ut scholis omnibus et juvenum fere Musis exulet Plutarchus. Quanto sapientius Phil. Melanchthon! qui vix Vitebergam venerat, cum (a. 1519.) libellum de puerorum institutione edidit: non quod hunc potissimum (magis parentibus quam adolescentulis aptum) optime elegerit, sed impellere alios ad legendum et tractandum Plutarchum in animo habuit.

Acutissime sane Fabricius tribus illis verbis „in juvenutis usus“ de eo praestantiae genere judicavit, quod Plutarchi vitis vere tribuendum est. Omnes enim earum virtutes ejusmodi sunt, quae si non, ut Thucydidis Polybii Taciti, maturò ac virili ingenio historicique generis intelligenti satisfaciunt, (quippe nemo nunc tanta laude cumulabit Plutarchum neque Vict. Strigelio assentietur dicenti: vitas Plutarchi medullam historiae graecae et latinae esse, et post sacra biblia nullum librum magis amari debere [cf. praef. hort. Schreiber.] at certe ad adolescentulorum animos et conciliandos et conformandos maxime habendae sint idoneae. Sed, priusquam plurimas generis Plutarchii virtutes enumeremus, de iis vitis, quae ei objici solent, breviter agendum videtur et anquirendum, si tunc tanta ac tam merito ei attributa, ut is scriptor, quem Euna-

pius (in praef. libri de vitis sophist.) φιλοσοφίας πάσης Ἀφροδίτην καὶ Ἄρην, quem Dan. Heinsius (Orat. VIII) ipsum Compendium scientiae, prudentiae thesaurum, divinum quendam promicondum dixit, jure a lectione adolescentium in scholis exclusus videatur.

Tria Plutarchi vitis plerumque tribuuntur vitia: primum (I) in scribendi genere, quod Groddeckio (H. L. Gr. II, 66) non raro „dictionis affectatae et nimis coacervatae tumore displicet, quodque Bernhardyus (H. L. Gr. I, 354 348) propter periodos nimis longas contortasque et ob nimium verborum compositorum, quin etiam bis ac ter compositorum usum atque ob delectum verborum minus elegantem notavit, ita ut Polybii, Dionis Chrysostomi, Plutarchi ingenia praestare scribendi arti communiter judicaret. Deinde (II) idem Bernhardyus (I, 401) et Plutarcho et Philoni et Apulejo superstitiosum quoddam studium attribuit, quod δαιμονολογίαν vocant, veteres ac populares religiones platonica subtilitate stabiliendi atque omnia ad daemonum suorum potentiam referendi. Tum (III) ad unum omnes nostrae aetatis scriptores, quotquot auctore Plutarcho utuntur, ἀκρισίαν ejus, imprimis in rebus ad reipublicae administrationem spectantibus, atque temporum notationem minus accuratam accusarunt: ex quibus lenissime eum tractavit Droysenus (Hell. I, 676). — Quae quidem crimina aut elevari possunt, aut, si concedi necesse est, sunt ejusmodi, quae utilitati Plutarchi in scholarum lectione minime officiant.

I. Ac primum quidem, quae et Groddeckius et Bernhardyus et multi alii dictionis generi plutarchio objecerunt, nemo erit qui neget omnino: haud raro Plutarchus, vere is quidem aeolii ingenii non minus quam popularis ejus Pindarus, quasi in nubes adscendit et, quanquam ipse τὴν σοφιστικὴν λέξιν irrisit, (Nic. 1.) nimios verborum flores colligit, nec minus saepe periodos ultra justum modum distendit et a simplicitate xenophontia alienus compositis nimis gaudet vocabulis¹⁾. In delectu tamen verborum nihil fere discedit ab Atticis, integritate sermonis superior et Polybio et Diodoro et maxime Dione Cassio; paucissimis usus est aut poeticis aut posteriorum saeculorum verbis: quae quidem vitio poeticorum usus vocabulorum, si vitium est, et Plato et Xenophon et (si Dionysio Halic. credimus) ipse Thucydides laborat²⁾.

¹⁾ Velut sine ulla necessitate quasi aristophania cum licentia utitur v. νυκτεγεροῦντες Caes. 50. χρονότριβιῶν τὸν πόλεμον. Cat. 53. τῆς Ῥώμης ἀναξιοπαθοῦσης. Cat. 59. ἐμπειροπόλεμος. comp. Tim. Paul. 1 (v. prorsus pindarica, ut Pyth. II, 1 fluxit βαθυπόλεμον τέμενος Ἄρεος.) Verum vacat a plurimis polybianae dictionis monstros: nunquam dixit τελεσιουργῆσαι τὴν κατάληψιν (5, 4, 10) et similia.

²⁾ Saepius inveniuntur haec: e poeticis verbis, quae Difurtius (in vocab. gr.) ab usu solutae orationis secevit: κραδαίνω (Ant. 37 et creberrime; est enim in deliciis Plutarchi,) ὀρούω Cat. Maj. 13. νεμεῶν comp. Pel. Marc. 3. διανάω Paul. 14 νᾶμα. Oth. 11. φάος (v. magis poetarum propria) Marc. 19. αἰδνής. Thes. 1. λῆμα (v. poet. et ionica.) Caes. 17. μανιάκης, torques, (v. polybiana) Cim. 9. ἄλως = σχολή Pyrrh. 13 et saep. (v. plutarchia) θανμαστοῦν Pomp. 53.

Addi possunt et nova quaedam in conjungendis verbis et formae aliquot verborum non atticae: praeter quas tamen etiam atticis plerumque et saepius quidem utitur. Verumenimvero talesne ob minutias scriptor in primariis rebus praestantissimus anxie removendus est ex adolescentulorum manibus? Quae si lex valeret, ante omnes Tacitus exterminandus esset ex scholis, qui et

a Cicerone longius recedit in dicendi genere quam Plutarchus a Platone, et fortasse non tantum prodest juvenum animis quantum Chaeronensis. Sed si qui forte Aristarchus propter paucissimas illas maculas extimescat, ne legendis Plutarchi vitis discipulorum attica dictionis integritas, (quae plerumque non ita magna est,) foede inquinetur, nonne caveri ita poterit ut, quae formae ac verba Chaeronensis ab atticis discrepant, antequam ipsa procedat lectio, ad ediscendum ac vitandum discipulis proponantur, sicut fit in Homericæ initio lectionis? 1).

1) Liceat ad avertendam talem calamitatem hic pauca, quae Plutarchi sunt propria, maximo cum horrore vitanda proponere.

Jungit ὄφλων τῶν Ἀρπαγείων comp. Dem. Cie. 3. ἄρχοντος ἀγαθοῦ χορῆζουσιν Fab. 17 (ut Soph. Aj. 473.) τῆς βραδντῆτος αὐτοῖς ἐνεκάλει Arist. 10.; quin etiam, (ex Romanorum usu) ἦν ἐλπίδος μεγάλης. Nic. 18. ἦν ἀξιώματος μεγάλου. Ant. 58. Opponit inter se, ut posteriores Attici, οὓς μὲν οὓς δέ.

Formas peioris notae habet hasce fere: σκέπτεσθαι (Flam. 3. Nic. 4. Phoc. 5.) et contra περιεσόπησε Pel. 32. τέτευχε. Alc. 1. de gen. Socr. IV, 69. γαμησομένης. Eum. 3.

= μαχησόμενος Ant. 39 (διαμαχοῦμενον Cie. 16.)

νεμήσεσθαι Ant. 55. (cf. Appian. bell. civ. 4, 3 διανεμήσεσθαι.)

ὁμόσων Cie. 23.

παραγῆχαι Phoc. 17

διαρπαγησομένη Oth. 3 ἀφρηπάγη. Luc. 13 (ἠρπάσθησαν Tib. Gr. 11.)

ἀπεκτονήχοι Tim. 16 (ἀπεκτόνοι Artax. 14.)

προσπαίζαντες Arat. 18 (aeolii usus vestigium?)

παίξας Cleom. 26. πεπαιγμένα Fab. 15.

ἀπηγγέλη. Galb. 25. Crass. 28 (ἀπαγγελθείσης Oth. 7.)

[sed pro εἰσήγγελε Cie. 19 leg. -λλε?]

τυφθεῖς. Galb. 26.

βιάσας. Artax. 30 et saepiss. (καταβιῶναι. Philop. 18. Reip. ger. praec. V, 112.)

κατακαῆναι Num. 22. διακαεῖς Cat. 7 Oth. 6 (cf. Soph. El. 757 κήαντος.)

κατακαυθέντος. Sol. 32.)

ἔλησα. Brut. 40. Cie. 22. Tim. 38.

ἔληκα Ant. 84.

ἐχαίρησε. Luc. 25 (cf. Polyb. 30, 16, 1 συγχαρησόμενος.)

οἶδας Ant. 28 de sera n. v. IV, 42.

(οἶδα de coh. ira III, 256.)

καταφθινγκός. Cie. 14. καταφθινήσας. consol. ad Apoll. 1, 272.

καθεσθεῖς (εἰς γόνυ) C. Gr. 16.

δυσί saepiss.; δεκαδύο Tib. Gr. 1.

γίνομαι saepius quam γένομαι (ut jam Isocrates.)

δυσκολᾶναι Cat. Maj. 1

= κραδᾶναι Alc. 15.

ἐκκαδᾶραι Ages. 28 (aeolium vestigium?)

ἀπολαύσετε Pyrrh. 13

= ἐπιανέσεις de vit. pud. III, 413 (Soph. El. 1057.)

[pro κεκλαγώς Tim. 26. leg. -γγ-?]

πέπληγα = vapulavi Luc. 9.

ἐπεπλήχθη. Gall. 17.

In augmenti ratione: οἰκοφθόρησε Alc. 23

= ὑποκούρει. Luc. 34 (si l. sana.)

ᾠνήσατο Nic. 10. Ant. 10

(ἔωνήσατο Cic. 3)

ἔξηλέχθη Cat. 64.

f. rariss.: ἐνήψας Dem. 20 ἀνανήψαντες Cam. 23.

Saepe ὑγεία, ταμείον, sed etiam ὑγεία, ταμείον. —

(Formas ex libris qui Moralia dicuntur addere longum est, ut ἐρόαμένη de gloria Ath. II, 428.

καταγείσης Apophth. II, 16 (si l. sana) al.)

Quod periodorum ejus conformandarum rationi jure objectum est, haud raro nimis longas evadere, minime hos libros a scholarum usu excludet: siquidem adolescentulis jam paulo provectoribus, non tironibus hi verborum ambitus legendi erunt, qui certe a Xenophontis enuntiatis nimia simplicitate animos fatigantibus ad ejusmodi lectionem libentissime procedent. Accedit quod in longissimis comprehensionibus ἀνακόλουθα vitavit¹⁾, quibus ne Ciceronis quidem libri de philosophia scripti prorsus vacant, (velut de Div. II. §. 33. 34.) ita ut solutio periodorum et facilis sit et ingenia legentium acuat. Neque minus Plutarchus inanes ταύτολογίας quae vocantur et ζεύγματα effugit, quae nonnunquam vel Caesaris deformant dictionem, (velut b. G. VII, 66 interea, dum haec geruntur b. C. II, 18. qui verba atque orationem adversus remp. habuissent.) Etiam magis vero parva illa, quantacunque est, periodorum difficultas tribus summis compensatur scriptoris virtutibus: maxima integritate sermonis, artificiosissimo delectu verborum talique tamen, ut semper nova proferendo satietati lectorum occurrat, (quod neque de Isocrate neque de Cicerone semper potest praedicari:) denique praeclaro usu antithetorum, quo vel cum summis certat artificibus dicendi, cum Thucydide Isocrate Demosthene Cicerone Shaksperio.

¹⁾ excepto uno difficillimo loco, sed qui non in vitis est, de Fato IV, 107 ἡμεῖς δὲ καταβάντες cet.

1. Ac sanctitatem quidem graeci sermonis primariam esse virtutem dicendi et puerilliter fere a Stoicis violatam ipse disserit de virt. mor. III, 206: Χρύσιππος — — πολλῶν καὶ ἀτόπων ὀνομάτων (ut μεγαλότης καλότης cet.) οὐδὲν δεομένην ἐμπέληκε φιλοσοφίαν.: quod utinam Germanorum philosophi spectassent! At ipse Plutarchus, dixerit fortasse quispiam, multis Romanorum vocabulis paginas suas inquinavit. Non ita multis, neque inquinavit, sed ditavit, idque jure, Polybii Dionysiique exemplum secutus. Quodsi Polybius ad contemptum suum significantum felicissime Prusiam R. dicentem facit (30, 16, 14): ὁρᾶτε, ἔφη, τὸν ἑμέτερον λιβερωτὸν ἐμέ! quidni Plutarchus in Romanorum vitis aliquot latinis verbis uteretur? Atque plurima ejus generis insunt in his vitis, quae ad scholarum lectionem minus sunt aptae, in Romulo Numa Poplicola Camillo Fabio Coriolano, in quibus scriptor paulo magis doctos lectores spectavit: in ceteris iisque optimis

rarissime inveniuntur loci quales sunt Paul. 37 ἐκ τοῦ κάρκερε. Marc. 22 ὄβα (= τὰ πρόβατα.)¹⁾. Quin etiam praeclarum illud consilium, quod sibi proposuisse videtur, Romanos et Graecos arctius inter se ita jungendi, ut illos a contemptu Graecorum debilitatis levitatisque, hos a despectione Romanorum barbariae demoveret, vix aliter Plutarchus, qui apud utramque nationem multum valebat, poterat exsequi, quam suis ipsius libris Romana quaedam (parca quidem manu) admiscendo. Vicit insitam Graecorum animis superbiam, qua post Plutarchi tempora Lucianus Samosatenus et vel miserrimus poeta Palladas Alexandrinus aliique plurimi abundant²⁾. Ipse sic ea de re loquitur Dem. 2: ἡμεῖς — — ἐν Ῥώμῃ καὶ ταῖς περὶ τὴν Ἰταλίαν διετριβαῖς οὐ σχολῆς οὔσης γυμνάζεσθαι περὶ τὴν Ῥωμαϊκὴν διάλεκτον ὑπὸ χρεῖων πολιτικῶν καὶ τῶν διὰ φιλοσοφίαν πλησιάζόντων, ὅψέ ποτε καὶ πόρῳ τῆς ἡλικίας ἠρξάμεθα Ῥωμαίκοις γραμμασιν ἐντογχάνειν — — Κάλλους δὲ Ῥωμαϊκῆς ἀπαγγελίας καὶ τὰ χουσι ἀσθάνεσθαι καὶ μεταφοῶς ὀνομάτων καὶ ἁρμοσίας καὶ τῶν ἄλλων, οἷς ὁ λόγος ἀγάλλεται, χάριεν μὲν ἠγοούμεθα — — (sed majoris otit.) Similes laudes Cat. Maj. 12 Caes. 50 in brevitate sermonis Romani confert, (maxime ejusmodi breviter dicta non optime vertendo, ut Cam. 28 τοῖς νενικημένοις ὀδύνη = vae victis.) — Unum tamen superbiae graecae superest apud Plutarchum quoque vestigium, de fort. R. II, 376 μάλλον δὲ τὰς Ῥωμαϊκὰς εἴσας ὀνομασίας cet.

¹⁾ Qua quidem in re nemo mirabitur, quod Plutarchus, alienus a grammaticae studiis, in tractandorum v. Romanorum ratione minime sibi constat: sic posuit Rom. 20 Ῥαμνήσης, sed Cor. 25 θήσους = thensas; sic Num. 9 ποτήης. Galb. 10 Ουάλης. (Tib. Gr. 8 σάπιενς.)

²⁾ Luc. de hist. conscr. §. 31 contemptimr: μεταξὺ τῶν Ἀττικῶν ὀνομάτων τὰ Ἰταλιωτικά ταντ' ἐγκείσθαι cet.

Palladas, Claudiani, qui latine scribere didicit, aequalis eoque inferior ingenio, frigidissime jocatur (Anth. IX, 502.):

Κονδίτου μοι δεῖ, Τὸ δὲ κονδίτον πόθεν ἔσχεν
Τούνομα; Τῆς φωνῆς ἔστι γὰρ ἀλλότριον
Τῆς τῶν Ἑλλήνων εἰ Ῥωμαϊκῶς δὲ καλεῖται
Αὐτὸς ἂν εἰδείης, Ῥωμαϊκώτατος ὢν.

Bene tenuerunt Graeculi superbum illud Sophoclium: οὐθ' Ἑλλὰς οὔτ' ἄγλωσσος.

2. Delectu verborum et jungendi ratione excellere Plutarchum non est quod multis hic demonstremus: plurima, quae felici audacia conatus est, adolescentulorum memoriae non minus quam platonici loci in perpetuum imprimuntur. Sic Caes. 33 de initio belli civilis: ὡσπερ ἀνεωργμένον τοῦ πολέμου πλατείας πύλαις ἐπὶ πᾶσαν ὁμοῦ τὴν γῆν καὶ θάλασσαν. Luc. 7 negotiatores R. cum Harpyiis optime comparavit. Ant. 21 ἀνεχαίτισε τῶν πραγμάτων, ut 39 ἀπολακτίσας τὰ καλά. Per. 20 (ex tragicorum usu) Σικελίης ὁ δύσερος ἔρωσ. Cons. ad Apoth. I, 250 ὁ ὕπνος τὰ μικρὰ τοι θανάτου μυστήρια. De coh. ira III, 256 τῶν παθῶν πανσπερμία τις ὁ θυμός. De cup. div. III, 404 καλὴ ξενελασία τῶν ἀχρήστων. An seni sit g. r. V, 38 (Lucullus) ταῖς γαλήναις ἐννεκρωθεῖς καὶ καταμαρανθεῖς. De EI ap. D. III, 96 ἐφθάρη ὁ παῖς εἰς τὸν νέον. De cup. div. III, 399 (Demades) εἰς τὴν γαστέρα ἐδημαγώγει. — Raro ampullis sermonem deformavit, ut de mul. virt. II, 228 στυγερά δὲ ἠγεῖτο Κλωθῶ τιμωρός. De glor. Ath. II, 436 Κλωθῶ Ἐνωὶ Πολέμου

θύγατερ cet. — Ne vulgaria quidem verba interdum spreuit, necessaria ea quidem ad notionem melius significandam, ut Artax. 27 σκορακίζω = ὑβριζώ; (a. v. ἐς κόρακας, ut anglice strange = extraneus,) verum non ut Polybius et Dio Cassius modum ea in re excessit.

3. Denique cum in omnium figurarum orationis tum in antitheti usu artificem esse summum Plutarchum vel uno libello lecto quis perspiciet: qua quidem in re eo maxime ad Shaksperii¹⁾ rationem accedit, quod alienus ab Isocratis consuetudine, apud quem secundam antitheti partem facillime ex priori divinamus, sua antitheta παρὰ προσδοκίαν conformando novitate alterius membri animos delectat. Sic Tim. 36. — οὐ τίχης ἔργον ἀλλ' ἀρετῆς εὐτυχοῦσης. Nic. 11 felicissime: (Hyperbolus) ἀπ' οὐδεμιᾶς τολμῶν δυνάμεως ἀλλ' ἀπὸ τοῦ τολμᾶν εἰς δύνανται προελθῶν. Sull. 30 ὡς ἀλλαγὴ τῆς τυραννίδος, οὐκ ἀπαλλαγὴ γέγονε. Caes. 17. οὐ μαλακίας ἐποιήσατο τὴν ἀρῆωστίαν πρόφασιν, ἀλλὰ θεραπείαν τῆς ἀρῆωστίης τὴν στρατείαν. Pomp. 49 (Clodius) ἤτιςτο μὴ γεγράφθαι τὸν νόμον διὰ τὴν σιτοδείαν, ἀλλ' ὅπως ὁ νόμος γραφείη γεγονέναι τὴν σιτοδείαν. 25. νόμον (l. Gabiniam) οὐ ναυαρχίαν, ἀντικρυς δὲ μοναρχίαν αὐτῷ δίδόντα. Agid. 2 ὅταν μὴ τὸ καλὸν ἔνδοξον εἶναι θέλωσιν, ἀλλ' ἀγαθὸν ἡγῶνται τὸ ἔνδοξον εἶναι. Ejusmodi luminibus, aptissimis ad capiendos juvenum animos, abundant omnes Plutarchi libri —

¹⁾ All's well II, 1:

So holy writ in babes hath judgment shown,

When judges have been babes.

Ne id quidem vitium prorsus praetermittere hic licet, quod saepius Plutarchiae dictioni objectum est: poetarum versibus nimis crebro immixtis simplicitatem sublatam esse. Quodsi simplicitas sermonis summa ac quasi sola laus esset eorum librorum, qui adolescentibus legendi traduntur, scriptor condemnandus esset omnibus sententiis, tam liberaliter enim quam pauci poeticos flores decerpserat: verum si primam laudem scriptoris in scholis legendi statuimus esse praeclaram quandam facultatem animos juvenum et conciliandi et optimis rebus imbuendi, quis veterum scriptorum solutae orationis (excepto Platone) aptior videatur quam Plutarchus? „Quem ille (Mureti sunt verba Volum. II. Orat. 15) poetam veterem, quem oratorem, quem historiae scriptorem non ita triverat ut edidicisse videretur?“ Nulla autem re adolescentium animos in legendis difficilioribus scriptoribus magis recreari quam si nonnunquam in immixtis poetarum luminibus licet acquiescere, inter omnes constat; eamque ob causam Thucydides Demosthenes Polybius Salustius Tacitus (si verum fatemur) viris semper magis quam adolescentulis placuerunt. Plato immiscuit poeticos locos, sed quam paucos et ex quam paucis poetis, si cum Plutarcho eum conferimus! Unus Chaeronensis aperit discipulis immensum illud tanquam pantheum graecorum ingeniorum, quae X saeculis ab Homero usque ad eum floruerant: ex uno Plutarcho (cum Athenaeus in scholis legi non possit,) eam laudem, quam Graecis eripere Romani non potuerunt, incipient intelligere, omnium artium atque litterarum ad summum fastigium perductarum, et mature, nondum quaerendorum numerum studio abrepti, vitam cognoscendis Graecorum ingeniis impendere constituent.

Et quanta sapientia elegit poetas eos, quorum luminibus libros suos illustraret! Quanto ea in re praestat Ciceroni, qui (plurimis orationibus exceptis, non omnibus, velut Sestiana,) opera sua durissimorum plerumque poetarum locis refersit, qui adolescentulis aut risum aut saepius oscitationem exprimunt! Saepissime utitur floribus Homeri, Pindari, (cujus permulta solus servavit,) Euri-

pidis, (hoc unum doleas, quod Sophoclem Euripidi posthabuit,) sed nullum fere prorsus omisit veterum poetarum, qui ante Alexandrum M. vixerunt¹⁾, praeter aliquot jejunorum epicorum, ut Asium Pisandrum Eugammonem alios, quibus delectatur Pausanias²⁾. Contra ea miserrimos Alexandrinorum poetas, qui Romanis (si non Ennii aequalibus, at certe Catulli) tantopere placuerunt, optimo jure fere omnino reject³⁾: qua una repudiatione elegans ejus judicium satis probatur. Recentioris tamen comoediae poetas, ut Menandrum (Al. 17 et saep.), Philippidem (Demet. 12. 26) ac paucos alius generis ab hac excipit condemnatione, ut Timonem Phliasium (Per. 4 de virt. mor. III, 217.); multo vero rarius iis utitur, quam priscis comicis, quanquam in singulari libello (V, 176—180) Menandrum ut moribus formandis aptiorem praetulit Aristophani. Talibus poetarum locis apte insertis multae Plutarchi vitae jucundissimam praebent adolescentulis lectionem eosque ad amplectendas litteras Graecorum incitant: imprimis Solon Cimon Pericles Nicias Alcibiades. — Deplorandum est, scriptorem non simile aliquod in Romanorum vitis fecisse: nulla ab eo fit mentio Ennii Plauti Virgillii aliorum; Caes. 21 omissum est, quod vel jejunissimus scriptor Suetonius (Caes. 73) memoravit, Caesarem acerrime ab aequalibus poetis esse vexatum. Tres tantum Romanorum poetas dignos commemoratione judicavit, miro eos quidem delectu: Ciceronem (c. 2, bene addit: τὴν ποιήσιν αὐτοῦ ἄτιμον ἐρῶειν συμβέβηκεν,) — Catonem Minorem *λαμβογράφον*, (c. 7), denique Flaccum, cujus vel locum inseruit, (Luc. 39 = Ep. I, 6, 45) sed in graeca neque prorsus recte conversum.

¹⁾ ne Timocreontem Rhodium quidem (Them. 21) Timotheum Miliesium (Philop. 11.)

²⁾ Rhiano fortasse in Aristomenis vita usus est.

³⁾ Callimachi versus semel bisve immiscuit, ut Ant. 70.

II. Venimus ad *δαιμονολογίας* quod dicitur et pravi Platoniorum dogmatum usus crimen: quoquidem si non plurimi scriptoris libri qui Moralium vocabulo continentur, at certe Vitae, de quibus hic agitur, omnino fere absolvi possunt; quandoquidem elegantissimo judicio¹⁾ in vitis, quibus hominum non doctorum animos formare voluit, modum optime servavit in omnibus ingenii sui lusibus²⁾. Exilitate sane ac tenuitate sui saeculi, ac maxime Graecorum, de nulla jam alia re quam de numulis ac voluptatibus cogitantium, (de Pyth. or. III, 133.) minime contentum Plutarchum priscam religionis graecae et imprimis oraculorum auctoritatem magno, cum dolore desiderasse, ex multis locis intelligitur, ut de Pyth. or. III, 129 — — *κατέβη μὲν ἀπὸ τῶν μέτρων ὥσπερ ὀχημάτων ἢ ἱστορία — — φιλοσοφία δὲ τὸ σαφές καὶ διδασκαλικὸν ἀσπασμένη μᾶλλον ἢ τὸ ἐκπληττον* — — *ἀπέπασσε δὲ τὴν Πυθίαν ὁ θεὸς* cet. Quanquam III, 135 eos aequalium irridet, qui (Romanticos quosdam illius saeculi diceret) ideo puerili priscae delphicae ambiguitatis flagrent desiderio, tamen ne ipse quidem eo desiderio prorsus vacat et saepissime cum reliquis antiquae religionis partes tum oracula defendere conatus est, summa et subtilitate ingenii et eruditione ea in re abusus. Idem Plutarchus³⁾ priscam religionem stabilire laborans, sed ridiculis foedisve plurimis poetarum de diis narratiunculis merito offensus, (cf. Per. 39) quaecunque eorum, quae de numinibus majores varie tradiderant, vel inter se discrepabant vel piam laedebant mentem, aut omnino silentio praetermittere aut artificiose, platonica praecipue ratione, interpretari, aut ex hesiodia de daemonibus doctrina aptius studuit connectere. Quodsi eo erravit, quod non veram agnovit religionem, quae jam illi saeculo lucem affuderat, id certe, quod meliora illius

temporis ingenia ad Christianam doctrinam amplectendam impulit, ipse quoque obscure saltem sensit, opus esse saeculo constantem πίστιν. Ita enim Cor. 38 scripsit: — μέγα πρὸς πίστιν ἐστὶ τὸ θαυμάσιον καὶ μὴ καθ' ἡμᾶς τοῦ θεοῦ δυνάμειος. Οὐδὲν γὰρ οὐδαμῶς ἀνθρώπινος προσέεικεν — οὐτ' εἴ τι ποιεῖ τῶν ἡμῶν ἀποιήτων καὶ μηχανᾶται, παράλογόν ἐστι. Addit: Ἀλλὰ τῶν θεῶν τὰ πολλὰ, καθ' Ἡράκλειτον, ἀπιστή διαφργγάνει μὴ γινώσκεισθαι. Inde saepissime concludit unam rectam esse viam τὴν εὐσέβειαν, media inter ἀθεότητα et δεισιδαιμονίαν. (De superst. I, 400. 383. De Is. et Os. III, 63. De virt. mor. III, 214. al.) —

¹⁾ Semper praecipit ut sapientiae summam quandam: τὸ μηδὲν ἄγαν ἄριστον Cam. 6. De adul. et am. I, 152. Cons. ad Apoll. I, 270. Sapient. conv. I, 382. al.

²⁾ Sic in ceteris libris persaepe ita ludit, ut abstrusam quandam ac reconditam numerorum investiget significationem: in vitis paene nunquam id fecit (praeter Fab. 4. Lyc. 5. Cam. 19. Sull. 7.)

³⁾ alienus ille quidem ab admiratione ridiculorum sui saeculi Graecorum prophetarum, ut Apollonii Tyanensis, quem in libris suis prorsus neglexit, Dio Cassius et Philostratus ut divinum virum inepte celebraverunt.

Jam primaria capita sententiarum Plutarchi de rebus divinis, (magnam partem sublimium, quanquam ut apte inter se conjungeret ei non contigit,) breviter exponemus, unde dijudicetur, talesne ob sententias ex scholis excludendus sit scriptor.

1. Ἔστιν ὁ θεός, καὶ ἔστι κατ' οὐδένα χρόνον (De El ap. D. III, 94) Hinc tamen progressus non est ad claram notionem, deum unum esse, sed ut Plato, etsi (in Critia p. 121) statuerat, θεός ὁ θεῶν Ζεὺς, tamen etiam de pluribus diis loquitur, ita Plutarchus nutat inter notiones, quibus inconstanter utitur, ὁ θεός, θεός, οἱ θεοί, τὸ θεῖον. cet. Neque magis ea de re sibi constat, utrum deus mera sit notio an diversum aliquid a mundo. Amat. IV, 482 eos vituperat, qui in deorum locum notiones virtutum substituant: — ἕτεροι δ' αὖ φήσουσι (Chrysippus aliique Stoici,) τὴν Ἀφροδίτην ἐπιθυμίαν εἶναι καὶ τὸν Ἑρμῆν λόγον — καὶ φρόνησιν τὴν Ἀθηνᾶν. Ὅρας δήπου τὸν ὑπολαμβάνοντα βυθὸν ἡμᾶς ἀθεότητος. Idem scriptor (de Is. et Os. III, 52) dicit: τοῦ Ἑρμοῦ τοῦτέστι τοῦ λόγου. (ad princ. Inerud. V, 13.) ὁ Ζεὺς οὐκ ἔχει τὴν Δίκην πάρεδρον¹⁾, ἀλλ' αὐτὸς Δίκη καὶ Θέμις ἐστὶ καὶ νόμων ὁ πρεσβύτατος.

¹⁾ Arist. Nub. 903 ἡ Δίκη παρὰ τοῖσι θεοῖς, non apud solum Jovem.

2. θεός ἐστὶν ἀγέννητος (Thaletis vox a Plutarcho comprobata, Sap. Conviv. I, 357.) Idem etiam singulis diis tribuitur, ut Pelop. 16: Ἀπόλλων αἰδῖος καὶ ἀγέννητος θεός, εἰ δεῖ τοῖς ὑπὸ τῶν φρονιμοτάτων καὶ παλαιωτάτων λεγομένοις τεκμαίρεσθαι περὶ τῶν τηλικούτων. Ipse igitur dubitaverat, sed ipse senex Chaeroneae Apollinis sacerdotium suscepit.

3. (Arist. 6.) τὸ θεῖον τρισὶ δοκεῖ διαφέρειν, ἀφθαρσίᾳ καὶ δυνάμει (cf. Cor. 38) καὶ ἀρετῇ, ὧν σεμνότερον ἡ ἀρετὴ καὶ θεϊότερον. Ad potentiam eorum pertinet, quod de garrul. III, 369 habet: Pythiam etiam antequam quaesieris respondere, quoniam omnia sciat deus (= Soph. El. 659 τοὺς ἐκ Διὸς γὰρ εἰκός ἐστι πάνθ' ὄραν. Luclani epigramma Anth. X, 27.) Ad ἀφθαρσίαν pertinet locus de superst. I, 390: a superstitiosis tantum homuncionibus ἀνθρώπομορφους deos haberi. (cf. Num. 8.) Stoicorum sententiam: unum modo deum esse ἀφθαρτον, reliquos extinguendi, commemorat (de def. orac. III, 159), non comprobat. Inter virtutes τοῦ θεοῦ saepissime

praedicat benignitatem, prorsus alienam a siti humani sanguinis. (Pelop. 21:) Pelopidas et Theocritus vates abhorrent humanum quod ante Leutricam pugnam ab iis flagitabatur sacrificium: οὐ γὰρ τοὺς Τυφῶνας ἐκείνους οὐδὲ τοὺς Γίγαντας ἄρχειν, ἀλλὰ τὸν πάντων πατέρα θεῶν καὶ ἀνθρώπων. De superst. I, 399 praeclare horrorem suum Poenorum cultus exposuit: quasi cum sublimissimo poeta certaret¹⁾.

¹⁾ First Moloch, horrid king, besmear'd with blood

Of human sacrifice, and parents tears cet.

4. Missis subtilibus omnibus iisdemque inanibus quaestionibus, quae philosophorum exeruerunt ingenia, quibus negotiis Numen seu Numina tempus consumerent¹⁾, unum hoc, quod ad vitam hominum regendam maximi est momenti, constanter tenuit: esse divinam aliquam πρόνοϊαν, omnibus hominum λογισμοῖς superiorem²⁾: quod quidem dogma nemo e veteribus rerum scriptoribus vel tam aperte proposuit vel tam egregie defendit. Qua in sententia quanta insit utilitas ad adolescentium animos bene conformandos, non est quod pluribus demonstremus. Quid alii ique optimi scriptores? Cicero (Att. XIV, 11): Sed haec Fortuna viderit, quoniam ratio non gubernat. Hoc ex diuturna vita didicerat! Caesar (b. C. III, 68. cf. b. G. VI, 35. Mommsenus III, 430.): Fortuna, quae plurimum potest cum in reliquis rebus tum praecipue in bello. Salustius (Cat. 8): Sed profecto Fortuna in omni re dominatur. Plinius (N. H. II, 5): Toto quippe mundo et locis omnibus omnibusque horis omnium vocibus Fortuna sola invocatur. (ib.) Deos agere curam rerum humanarum credi, ex usu vitae est. Diversine igitur ea in sentiendi ratione et Cicero et Salustius et ipse Caesar a Plautino servulo, ita philosophante: (Pseud. II, 3, 12)

Centum doctum hominum consilia sola haec devincit dea

Fortuna — — ?

Taline doctrina sola imbuendi sunt adolescentium animi? Annon potius is opponendus erit scriptor, qui melius aliquid sensit? Quanto sapientius jam Juvenalis (X, 365):

— — nos te,

Nos facimus, Fortuna, deam coeloque locamus.

At aperte Plutarchus: (Per. 34) Lacedaemonis mox, ut Pericles ingenii sui viribus confisus praedixerat, pax facienda fuisset, εἰ μή τι δαιμόνιον ὑπὴρναντιώθη τοῖς ἀνθρώποις λογισμοῖς. De eadem re coryphaeus scriptorum Thucydides (II, 65) ita: τοσοῦτον τῷ Περικλεῖ περιόσσευσε τότε, ἀφ' ὧν αὐτὸς πρόεγνω, καὶ πάνν ἂν ὁμῶς περιγενέσθαι τῶν Πελοποννησίων cet. Quae quidem etsi post a. CDIV scripsit, cum totum bellum animo perspicere licebat, nullam humanae debilitatis aut numinis facit mentionem. Similiter Brut. 47: ἀλλὰ τῶν πραγμάτων, ὡς ἔοικεν, οὐκ ἔτι πολλοῖς ὄντων καθεκτῶν, ἀλλὰ μοναρχίας δεομένων, ὁ θεὸς ἐξάγειν — τὸν μόνον ἐμποδῶν ὄντα (Brutum) τῷ κρατεῖν δυναμένῳ βουλόμενος, ἀπέκοψε τὴν τύχην ἐκείνην, κατεργγυτάτω cet. i. e. regitur Fortuna a Deo. Praeclarissime (Tim. 36) dicit, omnes res ab hominibus bene gestas soli numinis benignitati deberi: πολλάκις ἔφη τῷ θεῷ χάριν ἔχειν, ὅτι βουλόμενος σῶσαι Σικέλιαν ἐπεγράψατο τὴν αὐτοῦ προσήγοριαν. Sic. (Lyc. 7) „θεῖον ἐδτόχημα“ Lycurgus Laconibus. Illustribus ejus generis dictis abundant vitae Plutarchiae. — Atque adeo id jam perspexit scriptor, vel pessimis hominibus interdum secundam a numine fortunam dari, quorum opera efficeretur egregia aliqua res; neque ideo esse quod exclamaremus (Soph. El. 823): ποῦ

ποτε κεραυνοὶ Διός; Toto libello de sera numinis vindicta ea de re agit; brevius Tim. 30 de sacrilegorum nece, simulatque eorum opera liberata est Sicilla: — — τῆς δίκης αὐτοῖς ἰδίᾳ ἐπιτιθεμένης, ὅπως μηδεμία τοῖς ἀγαθοῖς ἀπὸ τῆς τῶν κακῶν κολάσεως βλάβη γένηται. Quamobrem Catonis accusatio numinis (c. 53): πολλὴν περὶ τὰ θεῖα πλάνον εἶναι καὶ ἀσάφειαν, non ipsius indicat Plutarchi sententiam²⁾. — Hoc tamen unum dolendum est, quod scriptor aliquot locis (paucis iis quidem) cum dubitatione quadam de providentia divina loquitur, ut Mar. 23 ᾧ τύχη τις ἢ νέμεισις ἢ πραγμάτων ἀναγκαῖα φύσις (cf. Cam. 13. Nic. 17): qui quidem loci plurimis aliis compensantur⁴⁾.

¹⁾ cf. Cic. de N. D. I.

²⁾ Congruit et cum biblorum sacrorum doctrina et (hac quoque in re) cum Shakspearo:

and that should teach us,
There's a divinity that shapes our ends,
Rough-hew them how we will — —

et cum Pindaro (: „ἀριστοτέγγας ὁ θεὸς“ de sera n. v. IV, 5) et cum Euripide:

πολλὰ δ' ἀέλλως κραινοῦσι θεοὶ,
καὶ τὰ δοκῆθ' ἐντ' οὐκ ἐτέλεσθη,

al.

³⁾ Bruti morientis vocem:

ὦ τλήμων ἀρετῆ, λόγος ἄρ' ἦσθ' — —

(Dio C. 47, 49) omisit Plutarchus, (Brut. 52) propter summum ut videtur amorem Bruti.

⁴⁾ Ne Plato quidem (nedum Herodotus, Dio Cassius, alii) in libro extrema vita scripto ad certam aliquam notionem pervenit. Legg. IV, 709: θεὸς πάντα καὶ μετὰ θεοῦ τέχνη καὶ καιρὸς τὰνθρώπινα διακυβερνᾶσι ξύμπτουσα.

Quomodo autem et quatenus voluntas hominum a divina providentia regatur i. e. res, quas mens humana nunquam investigabit, subtilius anquirere Plutarchus optimo jure plurimis omisit locis, praecipue in vitis. Nonnunquam tamen in minutias philosophorum ipse quoque se immergit, ut de Fato IV, 57, ubi mirum in modum tria *προνοίας* genera excogitavit, quorum tertium daemonum est. Cor. 32 (Albertum M. aut Thomam Aquinatem loqui diceret) tentat, Homerum subtiliter interpretatus, reconditum aliquod discrimen inter humanum *λογισμὸν* et divinam *ἀγωγὴν* statuere: οὐ ποιεῖ (Homerus) τὸν θεὸν — — ὁρμὰς ἐνεργαζόμενον, ἀλλὰ φαντασίας ὁρμῶν ἀγωγούς, ἢ γὰρ ἀπαλλακτέον ὄλως τὰ θεῖα πάσης αἰτίας καὶ ἀρχῆς τῶν καθ' ἡμᾶς ἢ — — Egregiam sane distinctionem! De S. N. V. IV, 38 tres Nemesi gradus effinxit: Ἀδράστειαν, Δίκην, Ἐρινύν. Verum cum maxime modice his ingenii lusibus indulserit, non est quod propter eas optimo scriptore privemus juventutem.

5. De daemonibus, quorum causa infamari solet, haec fere docet Plutarchus, (in *Moralibus* maxime libellis, multo rarius in *Vitis*):

Graecorum, qui sacrorum biblorum prisco aliquo et sacrosancto corpore carebant, religio quia fabulis a poetis ac sacerdotibus traditis continebatur, in quibus permulta jam saeculo a. C. VI. Xenophanen Colophonium et paulo post Pindarum (*Olymp. I, 52*), magisque excultam ac piam

Plutarchi mentem offendebant, philosophus Chaeronensis, quippe qui verum quaereret tota vita censeretque (de Is. et Os. III, 64): οὐδὲν, ὢν ἄνθρωπος ἔχειν πέφυκε, θεϊότερον λόγον καὶ μάλιστα τοῦ περὶ θεοῦ, idemque τὴν τοῦ θεοῦ πίστιν necessariam ad beatam vitam judicaret, (Cor. 38) hoc ante omnia per diu videtur anquisisse, quomodo fabulae illae antiquae de rebus divinis tractandae essent. Neque ad certam aliquam ac firmam tractandorum mythorum legem pervenit: nam modo (ad Strabonis exemplum X, 368 ed. T. XIII, 104.) irridet eos¹⁾, modo frigidissime interpretatur, ut de Mul. virt. II, 200: Βελλεφορόντης — — ληστρίδας ἄγων ναῦς, ὢν Χίμαθῶρος ἤγειτο²⁾, modo elegantissimas ex iis notiones elicit, velut Pelop. 19 de Harmonia et sacra cohorte. Denique sic rem expediri posse opinatus est, ut universe statueret: (de genio Socr. IV, 96): ἔστιν ὅπη ψαύει τῆς ἀληθείας καὶ τὸ μυθώδες. (de gl. Ath. II, 433) ὁ μῦθος εἶναι βούλεται λόγος ψευδῆς ἑοικὼς ἀληθινῷ; atque praeciperet: (de Is. et Os. III, 55) χρηστότεον τοῖς μύθοις οὐχ ὡς λόγοις πάντων οὖσιν, ἀλλὰ τὸ πρόσφορον ἐκάστον τὸ κατὰ τὴν ὁμοιότητα λαμβάνοντασ. — Quam normam ita ipse ad fabulas numina spectantes applicavit, ut, ubicunque aliquid in mytho de diis piam mentem laedebat, in deorum locum substitueret daemones. Acutam sane solutionem³⁾! Quas quidem ineptias, (nam maxime ridiculam esse hanc rationem quis neget?) Platonis exemplo potest excusare, qui (Rep. V, 468) Ἄλλ' οὐ πεισόμεθα, inquit, Ἡσιόδω⁴⁾; ἐπειδὴν τινες τοῦ τοιούτου γένους τελευτήσωσιν, ὡς ἄρα

Οἱ μὲν δαίμονες ἄγροὶ ἐπιχθόνιοι τελέθουσιν,

Ἐσθλοὶ, ἀλέξιακοὶ, φύλακες μερόπων ἀνθρώπων.

Πεισόμεθα μὲν οὖν cet. Jam omnes hic enumerare minutias, quas de daemonibus suis partim veteribus credidit partim ipse quasi ex ovo hesiodio exclusit, nihil attinet: paucissimis acquiescam exemplis. De def. or. III, 148 quatuor gradus eorum, qui ratione fruuntur, ex Hesiodo sumsit: ἀνθρώπων ἡρώων δαιμόνων θεῶν. De tranqu. an. III, 281 Empedoclem probat, qui unicuique homini, simulac natus sit, duo daemones inter se pugnantes vitae comites largitur; quae sententia cum zoroastria fere congruit. De gen. Socr. IV, 95 quaestionem, quomodo τὸ δαιμόνιον cum hominibus loquatur, ita solvit: daemonum verba non nisi in νητέμω ψυχῆ resonare cet. Quam ob causam tota de divinatione doctrina, quam Q. Cicero I^o de Div. libro exponit, Marcus II^o facetissime refellit, a Plutarcho comprobatur: τὸ μαντικὸν τοῦ δαιμονίου, in primis Socratis, cum permultis separatim locis, (ut Alc. 17) tum singulari eoque acerrime scripto libro (de genio Socratis) praedicavit. Eos autem, qui de prodigiis, vaticiniis, praesagitionibus atque adeo qui de somniis dubitabant, ita refutare tentat: (Dion. 2) τὸ δαιμόνιον ἀμφοτέροις ἐπεδήλωσε τὴν τελευτὴν — — Καίτοι λόγος τίς ἐστι τῶν ἀναιρούντων τὰ τοιαῦτα, μηδεὶ ἂν νοῦν ἔχοντι προσπεσεῖν φάντασμα δαίμονος μηδ' εἰδωλον, ἀλλὰ παιδάρια καὶ γύναια καὶ παραφόρους δι' ἀσθένειαν ἀνθρώπους, ἐν τινι πλάγῳ ψυχῆς ἢ δυσκρασίᾳ σώματος γενομένων, δόξας ἐφέλκεσθαι κενὰς cet.: quod non in gravissimos illos Brutos et Diones cadere. Verum ipse Plutarchus, antequam (Dion. 55) φάντασμα suum enarrat, Dionem tuncipsum aegrotasse et animo et corpore concedit!

¹⁾ Num. 15 ταῦτα μὲν οὖν μυθώδη καὶ γελοῖα. De superst. I, 396 rejicit fabulam de Nioba ut absurdam.

²⁾ haud sapientius vel jejunissimo illo Pausania, inter alias fabula de Actaeone miserime abuso IX, 2, 3, vel prisco Hecataeo Milesio (cf. Dunker. H. A. IV, 129.)

3) De def. orac. III, 154: καὶ μὴν ὅσας ἐν τε μύθοις καὶ ὑμνοῖς λέγουσι — τοῦτο μὲν ἀρπαγὰς τοῦτο δὲ πλάνης θεῶν — οὐ θεῶν εἰσιν ἀλλὰ δαιμόνων παθήματα. Melius Pindarus (Ol. I, 52) repudiat simpliciter, quae in fabulis ei displicent.

4) Op. et D. 108. 109.

Jam si quaerimus, hocne ob vitium judicandi (est enim vitium idque haud leve) Plutarchus a scholarum lectione excludendus videatur, duabus de causis hoc negandum erit: primum, quia paucissimi veterum scriptorum prorsus vacant superstitione, ut Thucydides Caesar Salustius, qui tamen non minus tota vacant προνοίας notionē¹⁾: deinde, quod hoc quoque in ingenii lusu in Vitis scriptor egregie modum servavit. Defendit is quidem et multa prodigia et permulta oracula, verum et modeste ingenioseque hoc facit, non puerili illa cum petulantia Dionis²⁾, et, quod majus est, doctrinam ipsam de daemonibus in Vitis rarissime attingit, ut Rom. 28 (quem quidem librum nemo adolescentulis commendabit.) — Neque est omittendum, Plutarchum semper et aperte ita docendo: „tantum homines summis virtutibus ornatos ad heroes adscendere“³⁾, vesaniam sui saeculi oppugnasse, qua vel taeterrimi principes divinos sibi honores sumebant, ut nuper (a. XCI) Domitianus fecerat. Jam Lysandrum acerbissime notavit, (c. 18) quod primus e Graecis sibi aras divinas et paeanes offerri passus est. Romani autem, Christum ut heroem colendo, paulatim didicerunt divinam ejus naturam agnoscere, itaque vel Plutarchus veri cultus dei vias munivit. Sic centum post annis Alexander Severus (Lamprid. Al. 29) „in larario suo et divos principes sed optimos et electos, et animas sanctiores, in quis et Apollinem et — — Christum, Abraham, et Orpheum et hujusmodi ceteros habebat.“

1) Quid Herodoto, quid Livio fieret, haec si lex valeret? Nonne vel Tacitus (A. XII, 64) mutationem, inquit, rerum in deterius portendi cognitum est crebris prodigiis (cf. H. I, 18. 86., quanquam idem A. XIV, 12 irridet prodigia)?

2) LXVII, 18 τοῦτο (Apollonii Tyanensis exclamatio) οὕτως ἐγένετο, κὰν μυριάκις τις ἀπιστήσῃ.

3) Similiter fere Pindarus (Ol. II, 68):

ὅσοι δ' ἐτόλμασαν ἑστῆς
ἐκατέρωθεν μέναντες ἀπὸ πάμπαν ἀδίκων ἔχειν
ψυχὰν, ἔτειλαν Διὸς ὁδὸν παρὰ Κρόνου τύρσιν' cet.

6. Oraculorum priscam auctoritatem a Plutarcho quoque tacita mente desiderari, supra est memoratum: quo quidem mentis morbo, quem aristophanio modo irrisit Lucianus, (in Alexandro), et Plato laboravit¹⁾, et Dio Chrysostomus, qui „oraculo admonitus“ effugit Domitianum, et Christiani Plutarchi aequales, ita quidem ut non Pythiae sed ineptiora Sibyllae oracula devorarent. (Bernhardy Gr. L. II, 297.) Quanquam enim scriptor, qua est aequitate et veri studio, ipse non tacet (Lys. 26), jam Lysandri tempore totum Delphorum institutum fuisse depravatissimum, tamen ubicunque offertur occasiuncula accurate enarrat, quae oracula praeter humanas opiniones eventum habuerint: fortasse ut sic quoque superbiam humanae mentis frangeret. Velut Ages. 30 oraculum de claudicatione Regis Spartani editum magnifice jactat: tanquam ingressus Agesilai, non implacabile ejus in Thebanos odium atque injustitia rempublicam Lacedaemoniorum everterint. Neque unquam omittit, quando posterioribus saeculis Delphi consulti sint, memorare, ut Fab.

18 (a. CCXVI) Arat. 53 (a. CCXIV, cum de religionibus quibusdam Sicyonii dubitabant,) atque adeo illud responsum a Niebuhrio²⁾ collaudatum, quod Cicero adolescens tulit, (Cic. 5) „eum indolem suam, non multorum opiniones sequi debere“: egregium sane consilium, quod, ut in ejusmodi rebus assolet, Cicero et prorsus neglexit et exacto vitae cursu optimum fuisse professus est. (de Off. I §. 111.) — Quod vero summi viri, quos ipse maxime admiratur, contemserunt oracula, nullo modo ipsius *πίστιν* conturbat: narrat tamen ingenue ejusmodi res; alii callide taciissent³⁾. Atque Colotem ceterosque Epicureos, quod oracula pervellant, acerrime increpat (adv. Col. VI, 245 seq.)

¹⁾ Legg. VI, 759 *ἐκ Δελφῶν χρηρὴ νόμους περὶ τὰ θεῖα κομισασθαι*: id quod ea aetate praecipit, qua venalem esse Pythiam non solum Demosthenes sed pueri Athenienses sciebant.

²⁾ Vorträge herausgeg. v. Zeys V. p. 43.

³⁾ Sic de Epaminonda (Arophth. II, 56) et lepidissimum illud Agesilai (ib.): *Χρησμὸν λαβὼν ἐν Ὀλυμπίᾳ παρὰ τοῦ Διὸς ὡς ἤθελεν*, ab ephoris jussus etiam Pythiam adire, Delphos profectus interrogat, *εἰ ἄπερ τῷ πατρὶ δοκεῖ καὶ αὐτῷ*.

Jam cum nonnullis locis ipse Plutarchus pro ingenii sui acumine perspexisse videatur, totum illud τῶν Ὀσίων Institutum nihil fuisse (jam inde a Pisistrati saltem temporibus,) nisi religiosam quandam machinam ad regendos vulgi animos¹⁾, quivis quaeret, quid scriptorem impulerit ad oracula tanti aestimanda. Qui quidem duabus causis videtur ductus esse: primum quod, ut plurima eaque meliora sui saeculi ingenia, *πίστεως* alicujus religiosae sensit necessitatem, (Cor. 38. Act. Apost. XVII, 23.) male illius quidem collocatae; deinde quod hoc ex historia Graecorum acutissime intellexit, saeculo IXo. ad VI extremum illos Delphorum ὀσίους maximam ac plerumque salutarem in omnibus civitatibus exercuisse auctoritatem²⁾. Suo jure ex Epicureis quaerit (adv. Col. VI, 245): *φορτικοὶ οἱ τῶν Ἑλλήνων νομοθέται, τὰ μέγιστα καὶ πλείστα τῶν ἱερῶν πυθόχρηστα καθιστάντες*; Praecipue autem *κτιστικὰ* quae vocantur oracula merito praedicat (de Pyth. or. III, 132) et (de def. or. III, 194) *πηλίκων*, inquit, *ἀγαθῶν τοῦτ' ἐστὶ τὸ μαντιῶν αἴτιον γέγονε τοῖς Ἑλλήσιν ἐν τε πολέμοις καὶ κτίσει πόλεων!*

¹⁾ „Ingratos animos atque impia pectora vulgi

Conterrere metu quae possint numine.“

cf. Phoc. 13. Sert. 20. Them. 10 ὡς περ ἐν τραγωδίᾳ μηχανὴν ἄρας σημεῖα δαιμόνια καὶ χρησμοὺς ἐπῆγεν αὐτοῖς (eadem v. Lys. 25). Num. 4. οὐδὲ γὰρ ἄτερος λόγος ἔχει τι φαῦλον — ὡς δυσκάθεκτα πλήθη χειρούμενοι προσεποιήσαντο τὴν ἀπὸ τοῦ θεοῦ δόξαν, αὐτοῖς ἐκείνοις σωτήριον οὖσαν (i. e. pia fraude.) = Polyb. VI, 56. Cic. de N. D. I, 118. de Div. II, 43: „hoc fortasse reipublicae causa constitutum est.“ Primus vero sic Critias in Sisypho fabula. Vel in senatu Cic. (IV Cat. §. 8): Itaque, ut aliqua in vita formido improbis esset posita, apud inferos ejusmodi quaedam illi antiqui supplicia impiis constituta esse voluerunt. (cf. Tusc. I §. 10 pro Cluent. §. 171.)

²⁾ cf. Dunker. t. III. IV. Curtius H. Gr. I, 416.

Non ineptam igitur, quanquam nimiam oraculorum admirationem Plutarchi habebimus: quin etiam hoc ejus errore uti licet in lectione scholarum ad docendos adolescentulos, quale

πίστεως desiderium tum, cum Christiana doctrina coepta est cum humano genere communi-
cari, et in Graecis infuerit et in Romanis. (I Rom. 20.)

7. Eodem denique pertinet alia Plutarchi virtus, quod, quanquam anxia cura et Judaeo-
rum fugit commemorationem in libris suis et Christianorum nunquam fecit mentionem, tamen
magis fortasse quam Plató et Seneca cum Bibliis Sacris congruit, haud raro vel in ipsis verbis.

Judaeorum nomen, consulto eum, non ignoratione omisisse, (aeque ac Plinius Minor
fecit,) ex omnibus locis perspicitur. Omisit eos (Luc. 29) inter legatos a LXIX ad Lucillum missos,
(Mömmesen. III, 62) omisit (Ant. 34) Hierosolyma a XXXVII a Sosio capta, (etsi Sosii Senecionis
amicitia utebatur,) omisit (Caes. 67) luctum Judaeorum de nece Caesaris (cf. Suet. 84); itaque
plurimis locis. Siquando de populo invito loqui rerum serie cogitur, et brevissime et contemptim
facit, ut Pomp. 39 de Hierosolymis a LXIII captis, (de Numidis Albanisque copiose agit!) Ant. 3
de Aristobulo R. victo, c. 36 de Antigono R. securi caeso, c. 61. 71. de Herode, R. clarissimo,
Oth. 4 de Vespasiani bello Judaico. — De Hierosolymorum gloria Plinius (N. H. V, 15): longe
clarissima urbium orientis, non Judaeae modo. Tacitus, quanquam maxime abhorret „taeterrimam
gentem“, tamen (H. V, 2): quia famosae urbis supremum diem tradituri sumus, congruens videtur
primordia ejus aperire. Dio Chrysostomus, per multas ille quidem gentes ex illo jactatus, Esse-
norum laudes scripsit! — Non ita Plutarchus; contra ea fabulam illam Aegyptiorum enarrat (de
Is. et Os. III, 25), a Typhone post fugam genitos esse Hierosolymum et Judaeum. Maxime me-
morabilis est locus Num. 8: διεκόλυσεν (Numa) ἀνθρώποισιν εἰδῆ καὶ ζώομορφον εἰκόνα θεοῦ Ἰω-
μαίους νομιζέειν, nulla Mosis mentione facta, cujus de deo doctrina Plutarcho certo nota fuit¹⁾.

¹⁾ Strabo enim, quem legerat Plutarchus (Sull. 26), eam XVI, 373 et memorat et
collaudat. — Idem Strabo (ib.) in Mosis legumlationem maximas laudes confert; Plutarchus
(Num. 4) Zoroastrem aliosque enumerans, qui ab ipso numine edocti sint, Mosem omittit. At
Apulejus (de Mag. p. 94 ed. Bip.) Mosem eumque primo loco cum Apollonio (Tyanensi), Zo-
roastre al. jungit.

Quod si quaerimus cur scriptor, alias aequissimus, adeo aversatus sit Judaeos ut vel aequi-
tatis historici leges violaret: verisimile est, austeram eorum colendi numinis rationem maxime
displicuisse ejus menti, qui, Apollinis tota vita sacerdos¹⁾, semper hilaritatem et humanitatem
Graecorum rituum praedicavit²⁾. Sic (de superst. I, 395) prorsus homerica ratione: ἡδιστα ἑορταὶ
καὶ εἰλαπίναι πρὸς ἱεροῖς = de coh. ira III, 245; sic de aud. poet. I, 49 (si Plutarchi is liber
est,) vel Sophocles ut mysteriis nimis deditus notatur; sic (Sap. Conv. I, 370) Orphici perstringun-
tur. Cf. Apophth. II, 140. 153. Aperte irridet Judaeos de superst. I, 392 ἔξω κάθηται σακκίον
ἔχων cet., et 386. βάρβαρα Ἑλλήσι κατὰ, πηλώσεις καταβορβορώσεις σαββατισμοὺς ὄψεις
ἐπὶ πρόσωπον. Congruit Plutarchi judicium cum Ciceronis (p. Flacc. §. 67.)

¹⁾ Apollinem, sublimissimum ac sanctissimum Graecorum deum, nemo melius adum-
bravit quam Curtius (H. Gr. I, 400.) Jam Plutarchus Peripoltae, Chaeroneae conditoris,
dignus fuit successor. (cf. Luc. 1.)

²⁾ cf. Duncker. IV, 591. Raro terrores quosdam mysteriorum graecorum attigit,
cf. ib. p. 287.

Jam Christianos quia pervulgato sui saeculi errore non discrevisse ab Judaeis videtur, consulto ne nominat quidem¹⁾. Quis enim credat, scriptorem, qui omnium nationum de diis sententias investigavit, quique et Romae et Corinthi et Thessalonicae et aliis locis florentem videbat Christianorum sectam, prorsus ignarum fuisse eorum dogmatum, quae vel Plinius (Ep. X, 97) cognoverit, et quae levissimus ille Lucianus haud raro curet²⁾? Imo calliditate quadam, qua multi veterum religionum usi sunt defensores, omnino et Graecorum et Romanorum, quos in scribendo spectabat, oculos a nova doctrina videtur avertere voluisse; idem fortasse ac Plinius sentiens: „neque enim civitates tantum, sed vicos etiam — — superstitionis istius contagio pervagata est; quae videtur sisti et corrigi posse.“ Quod ejus consilium aliquot locis prope manifestum est, ut Num. 4: *δοκοῦσιν οὐκ ἀπιθάνως οἱ Αἰγύπτιοι διαιεῖν, ὡς γυναικὶ μὲν οὐκ ἀδύνατον πνεῦμα πλησιάσαι θεοῦ καὶ τινὰς ἐντεκεῖν ἀρχὰς γενέσεως, ἀνδρὶ δὲ οὐκ*; ne verbum quidem de Christianis.

¹⁾ An, ut Tacitus fecit, in Neronis vita de iis locutus est? — De Nerone singularem libellum a Plutarcho scriptum esse, quanquam in reliquis VI, 393 non memoratur, efficitur loco illo Galb. 2: *Νυμφίδιος — ὢν ἑταρχος, ὡσπερ εἴρηται*, qui ad praecedentem Neronis vitam ita respicit ut Othonis ad Galbae.

²⁾ Alex. §. 33. Peregrin. §. 11. *τὸν ἐν τῇ Παλαιστίνῃ ἀνασκολοπισθέντα*. §. 48. *σεισμοῦ πρότερον μεγάλου γενομένου*, ubi Christi mortem irridet. §. 49 et saep.

Quo magis miramur, quam saepe idem Plutarchus¹⁾ in sententiis et interdum vel in verbis congruat cum Novo et Vetere Testamentis. Paucissima eligam exempla: quae etsi maximam partem non ex vitis sunt sumpta, tamen, qua praestantia sentiendi fuerit vitarum scriptor, docebant.

¹⁾ id quod de Seneca nuper C. Fickert. (progr. Vratisl. 1857), de Socrate et Platone innumerabiles demonstraunt, quorum recentissimus vel ὁ τῶν καθολικῶν καθολικώτατος, Lasaulx, in libro de Socrate 1857. edito.

Cor. 38 (locus supra laudatus) de necessitate *πίστεως* = Marc. 9, 23 *πάντα δυνατὰ τῷ πιστεύοντι*. Joh. 3, 18. Act. Ap. 15, 11.

Dion. 47 *ὢν (ἀληθοῦς ἀρετῆς) ἐπίδειξις οὐχ ἡ πρὸς φίλους καὶ χρηστοὺς μετριότης, ἀλλ' εἴ τις ἀδικούμενος ἐπαραιτήτος εἴη καὶ πρῶτος τοῖς ἀμαρτάνουσι*. Marc. 23. Fab. 12. in Epaminondae vita (cf. Apophth. de eo) alias eandem virtutem illustravit. Quanto melius praeceptum quam quod semper fere apud Graecos et Romanos valuit: Eur. Med. 805. Arist. Nub. 1161 *σωτήρ δόμοις, ἐχθροῖς βλάβη*¹⁾!

¹⁾ Cic. ad Att. XV, 4 — — apud illum (Caesarem), quem Dii mortuum perdidit! p. Mur. §. 44.

Sic Apophth. Lac. II, 123 (Aristonis Laconis et Socratis): *τοὺς φίλους ἐεργετεῖν, τοὺς ἐχθροὺς φίλους ποιεῖν*. (= Matth. V, 44 *ἀγαπᾶτε τοὺς ἐχθροὺς ὑμῶν*.) Cf. de vit. pud. III, 419. de aud. poet. I, 49 „nequis injuriis injurias ulciscatur“, plane = 1 Petr. 3, 9.

De frat. am. III, 313 (ex Pythagoreorum praeceptis): inimicitiae deponendae *πρὶν ἢ τὸν ἥλιον δῦναι* = Ephes. 4, 26 *ὁ ἥλιος μὴ ἐπιδύετω ἐπὶ τῷ παροργισμῷ ὑμῶν*.

De prof. in virt. I, 194 (Eurip. v.):

φεῦ, τοῖσι γενναίοισιν ὡς ἅπαν καλόν!

Consol. ad Apoth. I, 247 Πότε γὰρ ἐν ἡμῖν αὐτοῖς οὐκ ἔστιν ὁ θάνατος¹⁾;

¹⁾ Sed alia eaque laetior de vita sententia est crebrior apud Plutarchum, ut de tranqu. an. III, 288.

Reip. ger. praec. V, 93 ἱερὸν δὲ χοῆμα καὶ μέγα πᾶσαν ἀρχὴν οὔσαν καὶ ἄρχοντα δεῖ μάλιστα τιμᾶν.

De tranqu. an. III, 270:

τί τᾷλλότριον, ἄνθρωπε βασκανιώτατε,
κακὸν ὄξυδερκεῖς, τὸ δ' ἴδιον παραβλέπεις;

287. ἡ σύνεσις — — οἷον ἔλκος ἐν σαρκὶ τῇ ψυχῇ τὴν μεταμέλειαν, αἰμάσσουσαν αἰεὶ καὶ νόσσουσαν, ἐναπολείπει. (= de S. N. V. IV, 9.)

288. εἰδῶν παρέχει βίῳ — — ψυχῇ καθαρῆς οὐσα πραγμάτων καὶ βουλευμάτων πονηρῶν. (= Juv. X, 363.)

Cum Vetere Testamento non minus multi congruunt loci, ut Sap. Conv. I, 380: πῦρ ὄργανον θεοῦ καὶ πνεῦμα καὶ ὕδωρ καὶ νέφη καὶ ὄμβροι, cum Psalmorum praeclaro versu. Cf. Nic. 23: Plato recte ταῖς θεαῖς καὶ κυριωτέροις ἀρχαῖς ὑπέταξε τὰς φυσικὰς ἀνάγκας (= de def. or. III, 194.)

Accedit, quod omnium prope virtutum, quae in Novo Testamento praecipuntur, optima exempla in vitis proposuit Plutarchus. Sic tota Dionis vita admonet adolescentes, ut vel inimicis consulant; sic fraternus amor melius praedicari non potest quam Luculli et Catonis vitis; sic domandam esse humani ingenii superbiam egregie docet pulcherrima omnium vitarum, Aemilius Paulus. —

Quibus ex rebus perspicitur, ex Plutarchi lectione hoc adolescentulis demonstrari posse, meliora Graecorum et Romanorum ingenia tunc et desiderasse vehementissime firmiorem aliquam religionem et per se tamen excogitare non potuisse: neque Plutarcho enim neque Plotino neque Juliano Imp. vel summa contigit subtilitate ut veteres religiones corroborarent¹⁾.

¹⁾ Fortasse hoc ipse semel praesensit Chaeronensis, quippe qui (de def. or. III, 157) faciat Tiberii (!) tempore divinam quandam vocem Thamusio gubernatori navis Aegyptio indicantem: Πάν ὁ μέγας τέθνηκε; quam vocem totius insulae Paxorum gemitum insecutum esse.

III. Jam tertio ἀκρισίας, imprimis in rebus ad rempublicam pertinentibus et in temporum notatione, crimini respondendum erit. Quod quidem crimen (excepto fortasse Thucydide) in quem veterum scriptorum non cadit? Ut enim Herodotum, (quem ipse Plutarchus libro de malign. Her. V, 180 — 227 neque feliciter arguit ἀκρισίας,) Xenophontem, Livium, magisque Curtium, Justinum aliosque ejus generis mittamus: nonne Polybium Mommsenus (I, 346) notavit, quod ineptis de Xanthippo narratiunculis Graeculorum fidem habuerit? Nonne et Caesarem et Dionem Cassium irridet Gibbonus¹⁾, quod de connubiorum foeditate Britannorum non accuratius quaesierint? Nonne Salustius et (Cat. 2) Cyrum dicit primum in Asia majus regnum condidisse, et (Jug. 18, Jubam R. fortasse secutus) maxime inepta de Numidarum ac Maurorum profert origine? Nonne a theologis Tacito semper acerbissime est objectum, quod, cum Flavii Josephi libris de Judaeorum antiquitate ei liceret uti, (H. V, 2 — 7) puerilibus fabulis librum referret? — Verum non ita Plutar-

chum defendere in animo est, ut hac re una nitamur, quod socios habet. Tantum statuimus: Plutarchum, utpote qui non historias sed *ἠθικὰς* vitas se scripturum professus sit, non ad severas historiae leges examinandum esse, sed ad laxiores sui generis scribendi. Qui si in delineandis moribus illustrium virorum saepius peccavit, dignus non est qui adolescentulis commendetur: sin thucydidiis caret virtutibus, non est quod ideo a scholis arceatur.

¹⁾ Ch. LXVI n. 29; sed omisit, jam Strabonem (IV, 324) prudentius ea de re judicare.

Qua in re feliciter evenit, quod saeculorum consensu praestantia scriptoris in adumbrandis moribus agnoscitur neque nostra indiget demonstratione. Unus pro omnibus loquatur is Germanorum scriptor, qui ipse depingendis Alexandri Eumenis Pyrrhi Cleomenis ingeniis summam laudem meruit, Droysenus¹⁾. Neque minus omnium temporum docet consensus, inprimis adolescentulos semper plutarchii generis dulcedine captos, saepe tota vita clarissimos eorum virorum, quos illustravit, sibi proposuisse exempla. Ducunt chorum Hadrianus Imp., qui id saltem ex scholis Chaeronensis totam per vitam servavit, ut *φιλέλλην* ac praecipue *φιλαθήναιος* esset, (cf. Spart. Hadr. 13) et A. Gellius (N. A. I, 26, 4.) Quam diversa vero post Hadrianum ingenia aluit Plutarchus et ad gloriam virtute parandam excitavit! Satis erit, ex plurimis²⁾ Mich Montagnium, Lud. Ariostum³⁾, Jo. Fischartum, Shakspearium, (qui quidem Chaeronensi quatuor optimarum debet fabularum argumenta, Caesaris Coriolani Antonii Timonis⁴⁾), Angelicam Arnaldam, Kosciuscōnem, Napoleonem memorare. Quorum si Napoleo, (qui Gratianopoli duos annos in hanc impendit lectionem,) moralia ejus praecepta postea prorsus neglexit⁵⁾, at plurimi certe, qui adolescentuli hac lectione animos aluerunt, etiam vitam melius regere didicerunt: quin etiam Arnalda ad veram religionem arctius amplectendam a Plutarchi lectione progressa est⁶⁾. Abusionem librorum suorum, qualem Napoleo commisit, ipse praevit scriptor, Philippum R. acerrime vituperans (Pelop. 26), qui „Epaminondam aemulatus ejus bellicas tantum virtutes imitatus sit, multo majores animi neglexerit“: quamobrem Philippi vitam non scripsit. *Ὅδ' πάντα πάντων ἐστίν*, ut ait ipse (de tranq. an. III, 277), hac quoque in sententia congruens cum Paulo (1 Cor. 6, 12.)

¹⁾ Hell. I, 676. „allgemein und nicht mit Unrecht gift Plutarch für einen trefflichen Biographen; er versteht es, biographische Portraits mit einer Bestimmtheit und Anschaulichkeit, wie sie ihres Gleichen sucht, zu entwerfen; für das geschichtlich Große hat er wenig Sinn.“ Addi poterat: Desto feineren für das sittlich Große.

²⁾ quibus Mohammedum Hum ejus nominis addere dubitat Gibbonus (Ch. LII n. 70.)

³⁾ Qui egregiam (Cant. 37) de Drusilla narrationem ex Plutarcho hausit (de mul. virt. II, 223, ubi pro Drusilla Cammae nomen est.)

⁴⁾ Sic proximo anno evenit, ut Monaci a iudicibus ea fabula ceteris praerferretur, quae Plutarchum secuta Agidis R. viduam illustravit.

⁵⁾ H. Leo (H. U. V, 208) culpam propemodum in Plutarchum confert.

⁶⁾ cf. H. Reuchlin de coenobio quod Port Royal vocatur.

Quaerendum tamen est, num revera tam horribilia tamque crebra sint Plutarchi errata in omnibus rebus, quae non ad mores describendos pertineant. I. Ac primum quidem, quoniam hic maxime pervellitur, videamus ejus temporum notationem.

Scriptor cum ipse propemodum gloriatus sit, se ἀναθήματα et ψηφίσματα παλαιὰ perscrutatum esse, (Nic. 1) cum Stesimbrotum notet, qui tempora confuderit (Them. 2), cum pluribus locis temporum accuratam notationem dicat maximi esse momenti ad dubias res dijudicandas¹⁾, est quod magni aliquid ab eo in hoc genere exspectemus. Verum idem ei accidit quod Curtio Rufo, qui (IX, 5) Clitarchi atque Timagenis levitatem egregie increpans, ipse levitatis notissimum est exemplum. Ipse se quasi excusat professus (Num. 1): τοὺς μὲν οὖν χρόνους ἐξακριβῶσαι χαλεπὸν, et lepidissime (Sol. 27): se propter difficultatem quandam in notandis temporibus nullo pacto colloquium illud Croesi et Solonis dimissurum. — Aliqua tamen vitarum scriptoribus in temporum ratione semper concessa est licentia²⁾. Jam Plutarchus, quanquam ea usus licentia in annis computandis saepissime peccat, tamen non ita crebro in enarrandis singulis vitae partibus justam invertit rerum seriem: ita ut, si singulis capitibus singuli anni adscribantur, ea historiae scientia, quam adolescentuli habere solent, legendo hoc scriptore non conturbetur sed potius fulciatur.

¹⁾ Sol. 19. Them. 27 τοῖς δὲ χρόνοις δοκεῖ μᾶλλον (Ἐφόρου) ὁ Θουκυδίδης συμφέρεσθαι cet.

²⁾ Optime Mommsenus (II, 145): in der geistreichen Darstellung dieses Krieges (des Zugurth.) von Salust ist die Chronologie mehr als billig vernachlässigt: quod iudicium non minus in Catilinam cadit.

Aliquot locis ordinem rerum esse inversum, concedendum est. Sic Philop. 17 de a. CLXXXVIII, deinde de a. CXCH disserit, Pyrrh. 21 alterum Luscini consulatum (a. CCLXXVIII) memorat ante pugnam Asculanam; Cat. 41 dicit, Lucam tres viros convenisse (quod m. Apr. a. LVI factum est) post Catonis reditum (i. e. extremo a. LVI), Cic. 43 Caesarem Octavianum Romam venisse (m. Apr. a. XLIII) post reditum Ciceronis (prid. Cal. Sept.), cet. Omnia quidem superat Per. 18—22, ubi hoc ordine res exponuntur: clades Tolmidae (a. CDXLVII), colonia in Chersonesum missa (a. CDLIII), Tolmidae expeditiones navales (a. CDLV et próx. a.) copiae Delphos missae, (circ. a. CDXLVIII), denique Euboeae defectio, (a. CDXLVI), quam a proelio Coronensi infelicissime avellit scriptor. Neque facile quisquam dispexerit, quid Plutarchus ad mores melius explicandos profecerit hac rerum distractione. — Plura errorum in temporum ratione exempla adjicere longum est. Hoc tamen constat, prodigia illa pravae notationis, quibus abundare ejus vitae vulgo dicuntur, „quibusque vel pueri offendantur“, raro inveniri: velut illud Agid. 10: ὡς δὲ ἐτῶν ἄμοῦ τριακοσίων (leg. διακοσ.?) πεφηνότος ἀξίου τῆς Σπάρτης βασιλείας, (a. CCXLIII i. e. post Agesilai mortem CXVIII a.!) vel Fab. 14, ubi post Fabii dictaturam memorat ἑπατοὶ — οἱ μὲν πρῶτοι — Τερέντιος δὲ, vel comp. Thes. Rom. 6 comp. Lyc. Num. 3, Sp. Carvilli divortium a. CCXXX a. U. C. factum esse¹⁾, vel Lyc. 29, ubi a legumlatione usque ad Lysandrum V saecula numerat, cum Ages. 31 Heraclidarum incursionem, quam ante Lyncurgum II saeculis evenisse dicit, VI tantum saeculis ante Epaminondam ponat. Quibus quidem spinis ad exercendum adolescentium acumen egregie uti licet.

¹⁾ Invenisse videtur IXXX et minori cura legisse.

2. Alterum illud vitium, quod plutarchio vitarum generi Droysenus objecit, res ad rempublicam spectantes minus recte adumbratas esse quam mores atque ingenia clarorum hominum, magnam partem concedendum est. In difficilioribus rebus verum persaepe nec vidit nec dili-

gentius quaesivit: neque cum Catilina Jugurthaque neque cum Agricola eo in genere comparari possunt vitae Chaeronensis. Verum ne adspirasse quidem eum ad hanc laudem meminerimus, (Nic. 1, Alex. 1.), quippe qui sui temporis Graecos in scribendo spectaret, quibus non reipublicae gerendae sed domesticarum virtutum excolendarum vita suppeditabat facultatem. Quod cum item in plurimos eorum adolescentium cadat, qui in nostris scholis erudiuntur, quis est qui neget ad *πολιτικάς* illas historias Thucydidis et Caesaris et Taciti nullam posse utiliore lectionem accedere quam Plutarchi? Neque tamen ita peccat scriptor, ut prorsus discrepando a severioribus historicis adolescentium offendat iudicium: imo vero adolescentes plurima ex eo ad historiae scientiam adjicient.

Jam quale illud sit vitium, uno duobusve exemplis demonstrari potest¹⁾.

¹⁾ Alia breviter indicabo: Lycurgum et Laconum instituta quasi caeca admiratione celebrat. Dem. 17. Phoc. 12, 14—16. vix unum verbum est de praeclaro illo certamine, quod XIV per annos usque ad pugnam Chaeronensem de pace et bello Demosthenes et Phocio continuo exercuerunt. Cic. 9. 34. paucissima de inconstantia, qua Tullius et ante consulatum et a. LVI partes mutavit. Pomp. 54 nihil de Clodii nece, Sull. 6 Mar. 32 nihil de causis belli socialis, Sull. 33. 34 de omnibus rebus, quas Sulla in republica novavit, haec tantum: *καινοτομίας γενομένης ἐν τῇ πόλει*. Mar. 29 nihil de lege Apuleja agraria, atque adeo tota vita ne semel quidem Gracchorum fit mentio! Luc. 21 nihil, invito senatu Lucillum bella ex bellis sevisse itaque Caesari exemplum praeuisse; cet.

De speciosa illa libertate, quam T. Flaminus Graecis donavit, ridiculum in modum exultat scriptor, (Flam. 11) prorsus oblitus, libertate ab alia natione donata non erigi plerumque populos sed deprimi. Sic Demet. 8 Antigoni Graeciae liberandae consilium summis effert laudibus, sic Paul. 28 fere inepte dicit: *Μακεδόσιν ἀπέδωκε — τὸς πόλεις ἐλευθέρως οἰκῆν καὶ αὐτονομίους*; ne verbum quidem addit, quid XX post annis ex Macedonia ita discerpta factum sit. Quin etiam Neronem, qui (*ὡσπερ ἐπὶ πολέμῳ σταλείς* Dio C. LXIII, 11.) Graeciam rapinis et caedibus implevit, collaudat quod liberaverit Graecos (Flam. 12. De S. N. V. IV, 46, sublimi illo loco.) Quod eo magis miramur, quia ipse Plutarchus aliquot locis melius ea de re exhibet iudicium: ut Demet. 24 *τοιῶντα* (turpia) *ἐπραττον Ἀθηναῖοι, τὴν ἐλευθερίαν ἔχειν δοκοῦντες*. Pyrrh. 12 Pyrrhum narrat bene suasisse Atheniensibus, ne cui postea regi portas aperirent i. e. ut *ἄδωρα δῶρα* fugerent. Phoc. 32 quam malitiose *δημοκρατίαν* Polysperchon donaverit Atheniensibus, acute patefacit. Denique Arat. 47 non tacet, ei populo, qui alterius praesidium expetat, ceterarum gentium injurias expectandas esse. Quanto sapientius Plutarcho Polybius, qui totam Agelai Naupactii orationem a. CCXVII habitam in opus suum receperit¹⁾!

¹⁾ V, 104. cf. Schorn, H. Gr. p. 171. Aemulatur illa Agelai oratio praeclarissimam ex thucydidis, Hermocratis (IV, 59 seq.)

Similiter in delineandis optimatibus Romanorum nec nobis satisfacit nec sibi ipse constat. Plurima et publicae et privatae vitae nobilium vitia exposuit. Minime celat, ad sanandam rempublicam lenissimum et ingeniosissimum a numine datum esse quasi medicum Caesarem; *μοναρχίας* necessitatem semper agnoscit: tamen, Catonem admirans ac praeclaro libertatis nomine occoecatus, (quae quidem Catonis tempore jam dudum interierat,) facere non potest quin intimo

pectore et optimatum causae faveat et Caesarem inique tractet: quo quidem in errore sentiendi non solum cum Cicerone, sed etiam cum Livio, Tacito, Shakspearo congruit¹⁾. Detegit optimatum ignaviam: Mar. 29 in lege Apuleja comprobanda, Pomp. 25 in lege Gabinia, cum L. Trebellius intercessionem pollicitus timore conticuit, Pomp. 30 in lege Manilia, Cat. 23, cum Non. Dec. a. LXIII ad senatum de supplicio conjuratorum relatum est; Cat. 27. a. proximo in turbis a Metello excitatis; Cat. 44 (a. LIV), ubi Catonis acerbissimam vocem memorat: *ἐπαινούσης δὲ τῆς βουλῆς αὐτὸν ἐγὼ δ', ἔφη, ὑμᾶς οὐκ ἐπαιῶ, κινδυνεύοντα στρατηγὸν ἐγκαταλείποντας*²⁾. Aperit belli gerendi inscientiam nobilium Crass. 8. 9. Pomp. 17 (ubi vox illa Q. Philippi memorata est.) Mar. 11 dicit: in periculis nobiles consules nihil esse ad rem. Patefacit eorum implacabilem ulciscendi cupiditatem (Sert. 22), studia inimicitiarum quas vel in minutissimis rebus exercuerint (Tib. Gr. 13, ubi ridiculum illud Catonis factum addi poterat quod Dio C. habet XXXVIII, 7) turpissimas simulationis artes (ut luctus de Q. Antullii nece C. Gr. 14), puerilem vanitatem (ut Metelli, Sert. 22.)³⁾ et sexcenta alia vitia. Non reticet de vesana nobilium luxuria et opum effusione⁴⁾; neque de venditione honorum atque provinciarum, quam impurissimi homines ac vel mulierculae exercuerint⁵⁾, neque quantopere ab optimatibus provinciae omnes vexatae sint atque exinanitae⁶⁾. Denique non celat, leges a L. Sulla constitutas, quibus tum optimatum nitebatur dominatio, ab ipsis optimatibus, non solum a Caesare esse impugnatas⁷⁾.

¹⁾ Rectius de optimatibus judicaverunt Salustius et Dio Cassius. Cf. Niebuhr (Vorles., herausgeg. v. Isler, p. 62.)

²⁾ Sic Cic. ad Att. IV, 3: nunquam enim (Milo) — — inerti nobili est crediturus.

³⁾ Quae fides ejusmodi aristophaniis habenda sit Plutarchi narratiunculis, ita judicat Mommsenus II, 195. III, 9: totam certe saeculi indolem optime ex iis perspici. Quis autem ignoret, adolescentium memoriae nihil magis imprimi quam tales locos?

⁴⁾ Cic. 10: *κατεπτωχευμένων εἰς θέατρα καὶ δεῖπνα καὶ φιλαρχίας καὶ οἰκοδομίας, τῶν δὲ πλοῦτων εἰς ἀγενεῖς — συνερῶνκτότων.*

⁵⁾ Luc. 6 de Cethego et Precia.

⁶⁾ C. Gr. 2. Sert. 6. *παραλαβὼν δὲ ἔθνη — πλεονεξία καὶ ὕβρει τῶν πεμπομένων ἐκάστοτε στρατηγῶν* cet.

⁷⁾ Cat. 17. a. LXV Cato in sicarios a Sulla publice praemiis affectos inquit, ridente Caesare. c. 26. a. LXII Cato efficit, ut plebeculae rursus publice frumentum donetur. c. 28 Cato ipse sacrosanctam violat tribuni potestatem.

Jam quid de talis *ὀλιγαρχίας* eversione aequus judicabit scriptor? Nonne quod Cicero (jam Cal. Febr. a. LX) Attico scripsit: jam exclames necesse est, res R. diutius stare non posse? Ac saepe quidem ita judicavit Plutarchus: ut comp. Dion. Brut. 2: *δεομένοις ἔδοξε* (Caesar) *τοῖς πράγμασι μοναρχίας ὡς περὶ ἰατρὸς ὑπ' αὐτοῦ τοῦ δαίμονος δεδῶσθαι*. Pomp. 5. *εἰς τοῦτο πρόηγον αἱ συμφοραὶ τὴν πόλιν ὡς δουλείαν ἐπιεικτέραν ζητεῖν ἀπογνώσει τῆς ἐλευθερίας*¹⁾. Verumenimvero, quia et principatus a Caesare constitutus nihil ei videbatur nisi, ut ipse dicit, „*δουλεία ἐπιεικτέρα*“, et propter scelera insequentium principum totum oderat institutum²⁾, et nunquam ea de re acutius cogitavit, libertasne, etiamsi a Caesare subruta non esset, diutius durare potuerit: Caesarem popularesque partes (praeter Q. Sertorium et, quod mirere, M. Anto-

nium) plurimumque frigidissime, interdum cum odio tractavit. Sic Caes. 14 (= Pomp. 47) dicit: εὐθὺς εἰσέφερε νόμους οὐχ ὑπάτω προσήκοντας, ἀλλὰ δημιούργῳ τινὶ θρασυτάτῳ, tanquam consule indignum fuerit, XX millia egenorum civium agricolae bonosque cives facere²⁾. Cat. 32. (a. LIX) αἰσχρῶς καὶ ταπεινῶς ὑποδύμενος (Caesar) τὸν δῆμον; itaque saepius prave iudicat de illis temporibus³⁾.

¹⁾ A. ad Her. II, 26: satius est uti regibus quam uti malis legibus. Cf. Plut. Cic. 10. Caes. 28. Cat. 47. Brut. 47. Pomp. 47.

²⁾ Talem sensum prodit Galb. 22 τοὺς καλοὺς ἐκείνους καὶ δημοκρατικοὺς εἰς σύγκλητον ὄρκους ἀφέντες (milites.) Acutius Tacitus H. I, 55: Senatus Populique R. oblitterata jam nomina sacramento advocabant.

³⁾ Ipse Plutarchus saepe docet, nulla re cives amantiores pacis reipublicae fieri quam proprio agello colendo! Phoc. 29. Num. 16. Pomp. 28. Philop. 4. Tamen carpit agrariam Caesaris legem.

⁴⁾ Quin etiam, Livium secutus, priscos illos tribunos pl., qui plebem adversus patres tutati sunt, haud raro injustissime increpat, ut Cam. 9. 36.; c. 39 frigidissime memorat Stolonis merita.

Quid quod Plutarchus, ipse non Romanus ac nobilis sed unus ex provincialibus, quos et optimates illi conculcarant et Caesar demum ceterique principes aliquantum sublevarant, et aequalis Trajani et Hadriani Imp., qui omnes provincias paterna cura fovebant, ne uno quidem vitarum loco tam dolenter injurias deplorat provincialium quam Cicero facit¹⁾? quod ne verbo quidem Caesarem ideo laudavit, quia paulo lenioris provinciarum tractationis initium fecit? quod (Caes. 14) legem Juliam de sumtu provinciarum minuendo omisit? quod idem scriptor ita agit, qui alioquin et ipse gratissimi animi fuit et grati virtutem animi praeter ceteras celebravit²⁾? Contra ea multis praedicat (Paul. 39), quam curam Iberae reipublicae temporibus patroni clientibus suis provincialibus impenderint, prorsus oblitus, Caesaris tempore rarissime vexatis provinciis a patronis subventum, atque adeo interdum ab ipsis patronis vexatas esse provincias, ut Salaminios M. Brutus fenore oppressit³⁾. Tantum scriptor alioqui aequissimus, partium studio quodam ductus, a recta iudicandi ratione aberravit. Attamen cum Ciceronem, qui multo magis in hunc errorem incidit, nemo ideo a lectione scholarum exclusurus sit, ne Chaeronensi quidem propterea extimescendum erit exilium. —

¹⁾ Il Verr. 1, 72 Audite, quaeso, iudices et aliquando miseremini sociorum cet. Vel Juvenalis plenior humanitatis ea quidem in re: VIII, 135: Si frangis virgas sociorum in sanguine cet. (cf. v. 89.)

²⁾ Cf. Cim. 2. Phoc. 7. Caes. 5. Mar. 46. Cat. 71. Cic. 32. Thes. 4. Alex. 8. Flam. 8. Tim. 38. 39. Arat. 53. Lys. 23 (ubi Agesilaus ingrati animi arguitur!) al.

³⁾ Cic. ad Att. VI, 1, 4. (cf. Drumannus in Bruto.) Plutarchus in Bruto de ea re tacet. Jam de iis scriptoris virtutibus plurimis agendum est, in quas integras laudes licet conferre.